



粵西詩載卷十七

奉直大夫前廣西桂林太平兩府通判汪森編輯

七言律

湘山寺

王臣

一幅畫圖天放出百年風月我來登影堂香火存唐偈
賜額州人說宋僧過雨遊波晴蕩漾邊崖怪石碧稜層
世情不似雲山好他日還須借瘦藤

柳州懷古感時

謾爇龍涎繞座熏細論今古幾斜曛高才反累河東柳
遠謫堪憐諫議墳古廟千年棲夜月山城一帶鎖寒雲
明良自古稱難遇忠蓋能忘荅聖君

慶遠南山

將軍載酒去駝峰共看南山紫翠重石壁猶含殘雨潤
洞門長倩白雲封谷中人去空堂應林下僧歸獨鶴從
滿地夕陽催上馬入城聞打暮天鐘

九日遊桂山

陳崇德

上盡層波山上山興來氣力健無慳衣冠艷拂黃花畔
僕御聲傳碧嶂間不學孟嘉當日醉却懷陶令此身閒
何時辦了公家事隨處青山策杖攀

湘南別意送詹廷信入賀

花滿江亭酒滿觴十分春色送行裝看山馬首吟行壯
別路天涯客思長萬國衣冠同際會三湘文物仰輝光

祝呼聖壽瑤觴後更取邊情入奏章

寓陽朔

四野山多少有墟山形露骨洞崑虛眼前瘡疾誰能療
紙上文移我厭書功利乘時奚可久治安長策竟何如
列城願得朝歌長盤錯何愁不盡除

寓灌陽

六年踪迹未曾停冒走風塵每見星按節敢辭灘路惡
看山直入灌陽青竹籬茅舍千門月石徑溪橋幾處亭
但得客身長是健瘴鄉雖久不妨經

夏日登賓州南樓

烟樹蒼茫眼界賒樓頭踏徧日西斜雲開遠景看林木

風帶微香度野花山不斷青連碧漢水微拖綠護田家
近來喜得邊塵淨仰仗兵威鎮泰華

始至太平

田惟祐

佐職叨承寵命嘉疎才自合處荒遐郡中編戶惟三里
城內居民止一家十九縣州環粵徼萬千山水極天涯
宦遊到此饒閑暇不負年來兩鬢華

題伏波馬將軍廟

嘗於青史見勲名遺廟江邊古木橫烈士平生窮益壯
大才自昔晚方成巍巍銅柱功難朽寂寂雲臺論不平
千載烏蠻灘下水猶懷憤激顯英聲

橫州舟中寫懷寄鄧太守

孤舟久處卽爲家宦况荒涼更莫加夢裏青山如故國
望中紅葉似閒花雲橫嶺樹迷天日日出扶桑見海霞
回首天南更天北祇應添我鬢邊華

送陸太守遷廣西大參

夏言

此邦小試親民政重鎮還須濟世豪萬里南行應自壯
九重西顧可無勞旌旗曉拂蠻烟重驛路秋看嶺月高
絕喜殊方富形勝灘山桂水護官曹

宿山棗遣懷和嚴介谿韻

汪必東

山棗烟村來薄暮嶺梧雲榻起崇朝夢回冀北鶯啼遠
人度衡南鴈字寥客悶只須排酌酌宦遊誰復許逍遙
西郵更報邊烽急何日王師一雨銷

戊子粵右秋試畢贈部使祁惟允林汝南二主考
還朝

初筵歌罷鹿鳴章又發驪歌送別觴
粵海星槎迴上使
漢廷風采動仙郎
干旄曉拂三湘樹
藥籠秋分八桂香
最是薦書文制雅
解携多士應君王

過蒼梧酬黃筠溪遠餞

黃子別來真鄙我
蒼梧行轉忽逢君
秋襟自浣千陂水
春服誰裁一片雲
文字酒杯浮菊艷
笑談詩句吐蘭芬
明朝鷁楫三江道
回首龍門幾夕曛

送王都閩之廣西

李濂

帝簡鄖襄節制雄
嶺南專閩氣如虹
瑤弓玉斧皆廷賜

燕領虬髯有父風
桂水瘴消飛檄外
梧山氛淨凱歌中
麇麇峻閣雲霄待
早樹平蠻第一功

送童太守入桂林

緋袍金綬紫薇臣
郡國如何借寇頻
停鷁北堂還綵服
畫熊南國又朱輪
晴逾梧嶺隨征雁
秋渡瀟湘憶故人
自愧素餐淹歲月
羨君隨處布陽春

別張南溪謫廣西

崔桐

漠漠風烟萬里分
燕山杯酒竚殘曛
乾坤道在應無愧
兄弟心傳本不羣
槎泛迥隨鯨海月
劔雄還倚鱣溪雲
清時宣室思賢俊
會見瑤環早賜君

風洞

楊茂元

登登石磴不辭勞爲愛雲林隔市囂上下洞連風貫穿
高低山擁水週遭青天放眼樓臺迥斗酒開懷主客豪
細雨催歸情未厚臨分猶共說離騷

遊西峰崑

戴 欽

老君崑畔秀西峰雲洞丹梯歷萬重幻化山河開佛狀
莊嚴鸞鶴象仙蹤瑤壇翠柱虬龍見花閣蓮臺烟霧濃
更欲崆峒問天老長歌山月下雲松

謁柳子厚祠

窈窕山門入柳堂陰陰松檜灑秋香多才憐汝終疎放
往迹令人倍感傷荒塚草寒惟夜月斷碑蕪沒自斜陽
遙將萬古英雄淚洒向江流孰短長

遊老君洞二首

入山頓覺俗緣消况復捫星上紫霄石乳滴雲開萬洞
山龍盤水下三橋天仙鶴舉留丹竈玉女鸞迴響碧簫
回首浮生無處著欲將身世混漁樵
名山江上遍登遊石室仙壇此絕幽金鼎丹光蟠白鶴
洞天霞氣半青牛玄宮彷彿來三島烟水分明像十洲
醉撥五雲山下路剛風披拂鳳毛裘

登老子崑高閣

山門宛轉盤雲磴仙閣高寒出洞天霞氣成龍隨竹杖
花香依鶴下芝田迴峰並度南來雁短棹齊飛江上船
北望長安何處是日華遙散五雲邊

登立魚峰

小龍潭上立魚山絕壁懸蘿豈易攀
金磴斜分天路轉翠霞高抱玉峰閑
洞中白日憑吞吐江上漁舟自往還
清嘯隨風落牛斗置身遙在五雲端

題伏波祠

錢溥

將軍遺像瞰江臯江水江花映戰袍
銅柱自標千古蹟雲臺不數一時豪
槎牙石逼灘流轉潑墨嵐屯樹影高
願播英威如在日平蠻有計賊難逃

張華同知全州

張璧

參戎常羨曳新裾分刺今看擁貳車
此日使華將雨露當年文彩動璠璣
風清湘水無犀照近地衡陽有雁書

撫字催科孰輕重知君元自解乘除

劉奇逢補任上石州

早從闕下再彈冠萬里休嗟道路難
今去宦遊仍郡刺向來聲價起刑官
湖廣初任汝寧推官有聲應召且持南粵新符竹
莫戀東湖舊釣竿銅柱尚餘標漢紀
嘉名還擬並高寒

送張太史子陽封靖江王得省

張治

江湖玉節明秋水星漢仙槎下紫薇
弔古不妨平子賦還家應羨老萊衣
蒼梧雲淨青山出綠浦天寒白鴈稀
百粵更須勞問俗田陽猶未解重圍

送蕭尚點之忠州因寄雲東

忠州百粵文身地歲晏天涯獨去難
抱璞自憐三獻後

卑栖聊借一枝安山連八桂蠻烟暝江入蒼梧毒雨寒
若過湘春逢舊侶爲言相憶路漫漫

送黃憲副之任廣右

謝士元

冰蘖聲名簡帝心觀風雋擢渙綸音一朝持節辭楓陛
千里驅車赴桂林雨過荔源青似染雲開堯嶺碧如簪
懸知按部春風裏無限江山伴醉吟

送蘇雪江任桂林

張元秩

湘灘流合始安州落日千家烟火浮天遠星辰聯貫索
山空雷雨動窮陬異魚水漲湖塘月金粟花明楚越秋
簡訟只今懷舊俗韓公閉閣合深憂

送廣西僉憲龔豐齋

曾梧

桂海星分執法尊手持繡斧下天閭眼醒偉觀看雞卜
意到超然忘我言士挽須龍歸別洞人酣良柳臥前村
朔南萬里圖王會談笑誰能壯北門

風洞

劉節

絕壁盤雲開古洞重樓疊綵倚蕪城旌旄日午花薰氣
林樹風過鳥出聲天畔草亭千里目沙旁烟艇十年情
粵南消息皇華杳憔悴揚雄戀玉京

柳山

步入迴峰坐小堂柳侯祠下草初荒烟浮萬井涵秋迥
水合三江入楚長曲徑短亭人寂寂古泉幽澗樹蒼蒼
匡山雲谷空回首歸路蕭疎漫夕陽

富川鐘山

張祐

村墟牢落負良宵，寒月遙看上次寥。
火樹星橋行處少，瘴烟蠻霧坐中饒。
豸冠獨愧匡時策，虎旅人驚拔俗標。
得了公家今日事，便應雲水老漁樵。

桂林元夕

黃佐

何處笙歌入座聞，卽看陸海在人羣。
星橋暗度重輪月，火樹晴開五色雲。
湘水未逢天北使，灘江猶駐粵南軍。
江湖心事年年在，徒倚東風酒易醺。

送李稚大廣右視學

吹劔當年歌昔遊，十年塵夢對三洲。
湘山似戟馬前出，楚水如絲天際流。
監祿豈知終化俗，伏波何用更封侯。

離絃莫奏清商曲，梧葉蕭蕭已報秋。

橫州伏波廟

高灘危石鎖崔嵬，長夏風烟午未開。
南海樓船從此去，中原冠冕至今來。
武陵一曲風塵靜，銅柱孤標日月迴。
千載伏波祠宇在，漢朝何處有雲臺。

過邕紀行

姚鏌

頻年行部過邕州，眼底天光次第收。
林邑峰高雲半濕，崑崙道險樹偏稠。
三春野外鳴耕犢，十里江干繫客舟。
况是聖明文化潤，絃歌幾處月當樓。

題伏波祠

男兒本是世間奇，馬革尋常願裹尸。
木斬層崖通漢道，

桂標□里奠坤維元功不鑄黃金像謗口翻成貝錦疑
古廟灘頭詩半壁絕勝當代史臣辭

桂林行臺四山皆几席間清奇峭拔名重天下誠
不誣也民事多艱不遂登眺瓜期得代對景惘然

林廷選

桂山奇峭世間無日日當窓見畫圖排去離愁忘歲月
助來吟興徧江湖空崑花木青黃間疊石莓苔紫翠腴
也被山靈嘲我俗寧拚半晝狎樵夫

平樂行臺籌用兵給餉有懷和前人壁間韻

蕩蕩堯天化日長願垂蔀屋照逃亡朝鉦暮鼓時多難
青艸黃茅地半荒湖海有心馳北闕經綸無術起南陽

晚山環翠清人骨載詠皇華第幾章

阻水昭平同僉憲陳文用賦

昭州南下接梧潯民苦羣夸歲屢侵令肅柳營旗旆偃
詩成蓮幕酒盃斟雨深湍惡遲行色花落鳩啼碎客心
我愛干城人赳赳未聞鼠兔在中林

陞右都御史奉勅總督兩廣軍務兼理巡撫愧懼
有作

江湖廊廟竟何爲新捧綸音下玉墀半載三遷驚數異
兩藩重到訝時移草萊枯槁須膏澤今古勲名在鼎彝
報國寸心猶未老粵山灘水也先知

登馬退山望邕州

張岳

筍輿穿嶺又高峰極望關山興不窮元氣遠浮瀛海外
人家多在翠微中軟莎黃犢迷烟雨極浦歸帆逗晚風
兵祲沈銷春晝永兩江林樹鬱青蔥

入邕州

邕州城北兩江來五管金湯亦壯哉海賈盡通身毒布
堠亭遙擬白龍堆臥關虎豹春霾霧入匣雌雄夜吼雷
御遠古來資上略天南壁馬已枚枚

發邕州往鎮南關

隔年梅雨記重遊風雨依稀獠瘴收老去筋骸慚櫪馬
誰將華髮博蝸牛孤光冉冉瀧頭月雙櫓迢迢天際舟
夜數星辰翻百念非關鄉國起離憂

太平東岸尖峰似故山作

何處飛來玉笋峰似曾排闥爲吾容隔江翠色迎孤棹
故國白雲知幾重樹老時鳴楓葉雨山空遠遞夕陽鐘
十年回首凋玄鬢欲躡征鴻恨莫從

和可齋泊舟左江有懷韻

雉堞峒峒俯碧潯天涯此路接雞林地非中土衣冠並
氣壓南荒歲月深尊俎空憐麾羽扇溪山何處聽樵音
儻諧插翮飛蓬島願學燒丹變紫金

和可齋泊况村雨霽二首

扁舟夜雨瘴溪中曉起看山翠色重萬感忽來惟宴坐
遠書欲寄漫題封似聞瀚海秋飛箭稍喜炎天近息烽

却怪南華忘物者等閒空谷喜聞聲
雨歇郊墟斜日昏居人猶自散雞豚
槎當岸缺深留纜
燕逐花飛故遠村水土周防翻藥笈
江湖劇念傍征軒
擬爲暫駐成淹久倦聽風波欵曲言

夜飲董參戎蕨岡寓舍讀壁間過伏波祠詩有感
孤戍玄雲想壯圖酒酣日落歌嗚嗚
大材敢道馬新息
短劔還聞陸大夫奎壁淋漓看獨夜
江天冥漠失雙鳧
幾回欲酌溪頭月又恐前身是腐儒

經宿受降城

老夫越吏姓名通銜壁牽羊事不同
聖代神靈跨往昔
南天萬水盡朝東荒山故壘籠寒月
征馬孤嘶自晚風

讀罷穹碑一悵望螭頭飛動欲騰空
沉沉高閣午陰清况有巒岈蒼翠迎
金鼓往年分闔地
關山千古受降城龍蛇蟄伏天機靜
烟雨冥濛春草生
倦倚烏皮成獨寐不堪幽夢緬縱橫

遊白石洞

夢裏似曾踏翠寒萬山洞壑石林攢
寧知夏冷冬溫地
祇在藤梢棘刺閒陰火瓊膏烹日月
長空簫管待虬鸞
道人不是避秦客慢憶桃花回首看

諸天洞府日華傾此洞陰風底地鳴
泉落鮫珠含內景
石飛仙佩散玄精躔游不覺心源靜
欲去那禁毛骨清
勝會山靈應記取後期未許結三生

東崖長溪次江赴憑祥途中遇雨賦贈

行時霽柳拂前驅別後雷殷水滿湖
俄頃陰晴迎伏暑
凌兢車馬戒泥塗岸沙帶浪東西落
田鶴逢人向背呼
愁絕同袍關塞客南山欲與剪扶須
五月陰晴長綠蒲冥風怪雨亦相須
農人私記豐年兆
僕馭偏憂九折途遠勢驚翻銀漢水
怒濤疑拔老龍鬚
嚴程傍險兼奇觀霑濕何妨赤杖扶

登鎮南關昭德臺二首

炎荒突兀見春臺皇德昭回氣象開
五色光華瞻北斗
一天雷雨動南垓乘槎擬借搏風力
破浪還看曝日顛
安得坡仙扛鼎筆表忠高挾靜氛埃

振衣千仞瞰飛鳶望極江山思渺然
百粵風烟畫一幅
清時日月鏡雙懸天開正朔尊王會
地接金鰲立極年
橫海昔賢堪勒柱高臺我輩亦樓船

送人之梧州

汪文盛

封域舊傳蠻幕府才名新得漢參軍
藤江水下天無際
桂嶺山連霧不分南極衣冠開瘴甸
北來旌旆動星文
病軀願寄枕椰杖他日投予湘水濱

贈別龔壘齋少參北還

李默

按節同爲五嶺遊東風何處問行舟
楚天雲盡家千里
桂海人歸月滿樓直道于今欺白髮
素心元自照清秋
且揮玉斝留君醉無奈鶯啼亂客愁

且賦贈別洪西淙方伯赴廣西
麟閣知君早致身炎荒今已遍朱輪三湘雪後烟波濶
五嶺雲開驛樹新春雨故園肥紫蕨客衣芳草變緇塵
相逢爲報清羸久慚愧河汾俗化醇

蒼梧閒眺

許天錫

雲暗蒼梧曉正開獨舒懷抱向高臺千年劔在神光現
三足麋鳴使節來越雋西連山似戟桂江東注水如苔
登臨不盡雄豪興欲倒鯨川入酒杯

晚至平南憶別馬參戎澄

寒江落日背孤城海月沙頭又欲明千里家鄉殘夢斷
一川烟水暮愁生不辭椰子盃中醉生怕梅花笛裏聲

陡覺別來消瘦甚馬卿多病更多情

過鬼門關

隔林啼鳥亂鳴春纔到山巔又水濱老樹蒼藤含霧雨
層巒疊嶂蔽星辰穿崑越壑驅車險伐木刊崖取道新
生過鬼門關下路客懷爭得不傷神

登南寧鎮江門

武號山前瘴雨收鎮江門外水長流一冬天氣長如夏
連日風號只自秋遠思直窮千里目吟懷聊寄五花洲
天荒落日堪惆悵莫上籌邊百尺樓

烏蠻灘卽事

林大輅

烏蠻灘上日風波歸興其如五老何古廟神香留彩鷁

夕陽官鼓出青蘿參差石戟江流迅錯落龍湫野渡多
千古伏波寄英爽竹枝淒楚榜人歌

桴槎館與師汝和言別

出郭偶同遷客興飄蓬翻愧野人羣尋花徑小娟娟日
移酒春深淡淡雲五嶺風光憐共得兩江消息喜初聞
無端更問秦川路醉裏新詩欲贈君

登繫龍洲東梧郡陳司馬蘭砌

徐 棻

六鰲江上駕青山長控蒼梧虎豹關檻外人家蔥翠裏
城頭烟樹有無間江濤乍斂琉璃淨苔蘚常封玳瑁斑
下榻久傳陳仲舉一尊能否共躋扳

游勾漏洞

折簡相招弄綵霞芙蓉千丈振朝華金銀宮闕窺三島
雲樹江城隱萬家高倚斗杓浮綠蟻奇探巖壑拾丹砂
低回欲訪神仙令望斷松門白鹿車

蒼梧懷古

王孫芳草自天涯把酒憑高眺落霞雲冷玉環妃子宅
春殘金谷美人家丹砂寂寞迷瑤島斑竹扶疎渺翠華
惟有蒼梧城上月年年清影照棲鴉

遊羅秀山

朱紹昌

芙蓉秀疊半龕懸靈迹猶傳葛稚川偶見鹿眠疑藥圃
因聞龍化探瑤泉碑橫宿莽凝烟碧徑積新楓帶露鮮
卜築欲尋山下宅鼎邊妄意夙生緣

仙子何年跨彩鸞，千春想像萬峰盤。
粉曇香散瓊臺杳，丹竈烟銷玉溜寒。
信步樵柯忘日晚，放懷樽酒餞秋殘。
風塵是處如蠻觸，自倚紅霞一笑看。

海棠祠

黃辰

江邊不見海棠花，兩岸垂楊集暮鴉。
路上客尋秦氏邸，橋邊誰是祝生家。
雨聲怕向愁邊聽，風景還堪醉裏誇。
駟馬尚期他日過，題詩聊且記年華。

鬱林卽事

孫迪

百年誰向此乘驄，路遶天隅北斗東。
行役敢辭炎瘴毒，羈儲時憫室家空。
轟雷忽送隨車雨，嘉穀隨成滿地風。
回首洞天渾咫尺，欲尋仙迹問山公。

西望橋邊偶駐驄，大容流影落溪東。
仙歸勾漏丹應熟，鬼泣天關骨已空。
靈望石牛祈暑雨，威瞻銅鼓振秋風。
不知景陸堂前月，還照人心一片公。

靈巖

馬襄

雙旌曉拂隴頭雲，遠入幽嵒訪老君。
燃燭引光探洞穴，捫蘿尋字認詩文。
山花開向樵亭落，澗水流因石竇分。
坐挹天風灑白髮，太虛無處著塵氛。

谷山

林孔嘉

連峰列岫影蒼梧，勢擁屏幃氣鬱紆。
夏木千章排古戟，晚雲四合繪新圖。
白泥洞遠樵歸久，黃鑿村深日已晡。
安得當時謝公屐，閑登高處飲茱萸。

鶴麓有懷

張翊

遼左丁威鶴未旋花飛細細駐流年
騷人澤畔椒蘭佩
客子杖頭風月錢獨抱清樽
干氣色共排蒼壁下雲烟
吹簫却憶王子晉
覓得浮丘是宿緣

慶遠北山

陳珪

百丈峰巒面面奇羣仙曾此會襟期
雲封洞口龍歸久
風動松枝鶴夢遲
棋局幾看銷歲月藥爐那得療瘡痍
眼前世事愁無限
羸取秋霜兩鬢垂

慶遠北山

楊信

青峰碧嶂與天齊一徑凌空石鑿梯
雲氣奔騰龍去遠
松花搖落鶴來棲
樓臺佛刹依山北城郭人家傍水西

爲作嶺南風土記盡將佳景職方題

屏風山

嚴逾

周遭山色一孤城
城枕孤山聳翠屏
欲把筠床看白晝
却疑雲母倚青冥
澤葵雨過三春潤
斗柄天開五夜明
萬里孤臣無所事
每瞻磐石祝神京

移嶺山

重關深過鬼門西
瘴霧蠻烟日夕低
燒絕正愁千尺棧
請封無計一丸泥
山椒脫木金盈地
石磴流霜玉半梯
我欲乘時高著步
白雲南望又淒迷

古浪溪

紅爛風前幾樹桃
綠回山下一溪毛
晚來急雨驚瓴甌

日見餘波謝桔槔斷岸礮碕難著渡小鮮骨鯁不容刀
侵星勸課烟郊外笑指長虹隱碧濤

題白馬崑

何世綸

白馬何時去未還清泉碧草老空山不留竺國三千界
應在仙家十二闌粉汗滴成鐘乳穴霜蹄跑出水晶潭
寒雲羈絡難收拾天與高僧設一庵

登松嶺

松嶺嵯峨半倚天每從山足起朝烟花幃隱隱寒光澹
翠蓋亭亭曙色鮮出海老龍堪彷彿尋巢孤鶴欲回旋
徂徠合在烟蘿外極目滄浪竟惘然

雨後夕權

王尚賢

峭壁雲霾石浪頻草亭飄泊水之濱三江雨過千帆夕
一權風清萬竈春塔影翻凌波底月鐘聲欲醒夢中身
持籌莫訝書生拙聖世從來不患貧

贈別余東臺轉官郡丞暫還柳州 吳鼎

明月湖心憶舊遊夕陽江外赴新愁十年去住頻傷別
萬事蹉跎可自由風急天高秋澹澹蒼梧桂水意悠悠
未須極目懷鄉國更上峰頭望帝州

乘風送羅闇齋赴廣西省幕

徐階

當年才子不如君歲晚猶隨燕雀羣遠地直知朋舊少
論心難遣世人聞三江處處皆夸語五嶺朝朝足瘴雲
傳道交州仍議戰祗應投筆建奇勳

遊柳山

潘恩

暇日遙登郭北臺層崖疊嶂倚天開琪花歷歷翻雲出
玉髓泫泫抱石迴此地杉松巢鶴鶴何年碑勒刺莓苔
乘風懷古情無限把劍長歌萬壑哀

再登湘山寺

鷲宇參差歷翠微九天松露濕春衣龜書鵠篆雲中見
貝葉曇花雨後稀路入桃源秦甲子泉通星渚漢支機
問津今日重來地可有金仙駕鶴歸

七星崑次韻

靈崑天矯疑星隕溜石陰森作雨飛八桂五芝空翳翳
青泥丹竈故輝輝江吞列岫灘聲轉境絕真空人影稀

颯沓天花紛欲下臨風容與澹忘歸

桂山亭雙鶴次韻

丹丘石室羽人居况有仙禽下玉除月迥芝田留鸞鷲
風吹銀漢落蟾蜍霜毛露翮應憐女合舞長鳴數向予
何日羅浮千仞外翻飛共爾歷清虛

靖江王太平崑次韻

砥柱中天亘古今羣峰圍合迥相欽幽居自足東平樂
麗藻還傳鄴下音鐘乳飛花添積翠芙蓉倒影漾重陰
靈巖不隔三山路棲息渾忘歲月深

懋德堂次韻

桂嶺離宮結構新堂開懋德護烟雲青天宛轉生圖畫

碧水縈迴起縠紋禮樂河間標大雅詩書東魯接清芬
閒來况有陳思賦千載流傳著作文

游風洞和夏松泉方伯

石洞干雲晝渺冥危崖夾谷勢崢嶸菱花荇葉牽明鏡
舜嶺堯峰拂紫清載酒新秋聞木下班荆絕頂聽泉鳴
重華南狩龍遊遠淚竹湘流萬古情

逍遙樓

春波瀲灩層城浮春日浩蕩林泉幽風吹山樹石欲立
水射湘江天倒流岐路殊方楊子淚乾坤萬里仲宣樓
登高漫有憐芳興黃鳥桃花數散愁

蘭蓀道中作

單輿小隊出江城宛轉春風送我行笑客林花然欲語
避人山鳥解呼名蒼崖夾谷窺明鏡劔石連雲俯大清
嶺外馳驅悲道路天涯鼓角况分明

繫龍洲

碣石嶙峋控此洲蒼梧雲逐水分流清天影落金鰲靜
火嶺光連玉蝀浮舟畔忽傳津吏鼓林間時聽越人謳
却慚縱迹牽纓紱未似當年五嶽遊

立春日至潯州見桃花

去春燕地猶冰雪今日潯江已見桃物候獨嗟中土異
天涯那惜此身勞風披紅雨沾行蓋路入芳叢映客袍
更喜羣生逢道泰不妨人事日蕭騷

曉發宜州
層陰雨閣青山外
畫鷁朝飛碧澗濶
符節馳驅淹道路
風塵飄泊歎支離
江花有約催征棹
岸柳何情繫客思
悵望天涯雙白鳥
穿雲歷水故相隨

送鄧貢士元性還南寧

綠樹陰濃乳燕飛
金陵萬里送君歸
隨珠握彩人爭識
匡鼎談經志不違
馥郁芹香涵璧水
青葱荷色照儒衣
邕江暫戢圖南翼
竚看軒騰向帝畿

邕州道中

盡日山行眺閨寂
竹埤茅屋互蕭森
桃花獨樹自春色
荔葉滿林空晝陰
戎馬中原遊子恨
舟車賂越故園心

山靈何事苦相索
淅雨飄雲入暮深

題五峰

傅汝舟

平野獵歸風色暮
五峰迴處石門高
穿崑村老多燃炬
供酒狼家盡帶刀
雲氣乍飛山下雨
松聲遙捲峽中濤
不堪仙竈埋幽草
極目丹崖思獨勞

同傅山人游獅子崑

周璞

數載塵埃笑白頭
乘風今喜到崑丘
勢迴西北瞻宸極
形峙東南鎮粵州
半榻幸同遺世士
一官深愧富民侯
雲蘿石壁平生興
卽欲投簪向急流

東江卽事呈東臺趙少參

陳襲

連攬東江豈偶然
拔茅今日賴君賢
炎威未減猶三伏

浪迹相馳又半年秋水最憐清畫舫好山終恨雜蠻烟
封侯萬里何須計且與吾民一解懸

至烏蠻灘謁伏波馬將軍廟

何來岸幘甚安閒回首癡游隴蜀間豪氣當年憐馬革
神功千載肅烏蠻誰分薏苡成車載自合雲臺上將班
堪歎後來翻覆幾銅標南紀喜今還

贈平南七十翁張南溪通府

虛從江上往仍還紫氣何知只在關暫出南溪爲俗吏
深居尖嶺是仙寰珠崖已破黃梁夢靈寶能留赤子顏
更識履聲聯北斗尚書家世播人間

題橫州秦少游書院

芳艸蕭蕭一徑通小橋流水近興龍醉鄉還有前賢所
新法終無後代蹤花落海棠春已去香餘村釀酒空濃
不才幾度曾談虎須信人間是小封

橫州龍興寺紀遊

龍興槎窟是何年野寺猶將此事傳芳艸滿庭僧不見
白雲同榻客何遷棠橋喜近幽人里華嶂疑開隔水蓮
薄暮驅馳慚碌碌擬將清淨問諸天

犀潭

袁 袞

稜稜石竅附崑隈造化何年巧鑿開一脉靈湫消復長
半泓神液去還來盈虛氣類旋潮信呼吸聲如動地雷
坐倚雲根毛骨聳彷彿疑飛步至蓬萊

度崑崙關寄馬侍御君卿

崑崙關外卽邕州遷客那堪此地遊
九折坂盤疑棧道萬重山險抱江流
時平不見干戈警身病仍聞瘴癘愁
五嶺古來無鴈到思君何處慰離憂

送康盤峰廣西參議

王慎中

握符制遠分藩重露冕臨人列郡欽
節下州官多卉服歲中牧貢有蠻金
九疑曉望烟如畫八桂冬榮雪滿林
銅柱標南猶奉朔漢家雨露本來深

送郭世重出守南寧

朗寧荒絕不堪棲遊客懷鄉夢轉迷
千嶺驟昏知瘴起四時不斷有猿啼
居人半是梯崑峒行路相言避毒溪

十載播遷仍置遠好憑鬼卜問蠻雞

署中念及部下西征軍士次張總戎韻

鄧炳

火輪烜赫自清朝步卒如林不御輶
瘴癘氣蒸陽月盛敵巢西去洞天遙
荒池無水梅消渴鳥道兼程草沒腰
衝冒炎威知最苦竹林流汗透輕蕉

登湘山亭子有懷符王二君子

松崑敬所

許應元

天末孤亭獨上時情多擬賦四愁詩
不堪鴻鴈稀南服况是風烟暗北垂
海上書來猶避寇林中藥長欲尋師
從君便向天台去何處崑中可翳芝

白雲崑

程文德

今晨忽憶別家時萬里經年尚未歸鄉國幾人懷令節
天涯此地共斜暉登高有興來乘月久客無家未授衣
酒醒露寒人欲別山城燈火望依微

都嶠山

停橈繡水思尋勝忽見南山似武夸雲際嶙峋開面面
天中紫翠鬱蘩蘩秋風吹我來都嶠古洞無人只舊碑
八疊路迷還悵望登臨全盛憶唐時

七山奏凱頌南川陶公

粵國江山震鼓輦樓船十萬渡旌旗虞廷再見三苗格
周室遄班六月師玉葉風清豺虎窟

玉葉
巢名

蒼梧日麗鳳

凰枝兩山功並燕然碣

前平
兩山

千古人同襄毅思

故平樂侯遜叟李君隱居信宜甌村茅屋蔬食身
自耕作清風高節今世罕聞茲以郡侯玉溪石公
招至鄉飲城居十日而歸興浩然不可復留已公
乃邀遷客載酒登桴祖之觀瀾山下白駒皎皎金
玉遐心把酒臨江慨然咏歎

甌村何處高人宅茅屋蕭蕭蔽雨風共喜東陵瓜自種
不妨彭澤酒頻空霧深穩臥山中豹翮健孤騫雲外鴻
暫下塵寰纔十日一桴歸去渺孤踪

送劉北川之任太平

郭伋

鄉評屬望聞年少海內談詩見爾豪千里未應淹驥足

一官聊復隱蓬蒿
烏山碧石牽離緒
麗水晴空動去舸
邊徼清時無一事
郡齋燒燭註離騷

烏蠻灘伏波廟

林恕

烏蠻水廟鎖烟蘿
畫棟朱欄映碧波
破鹵名垂天地久
麗牲碑繼歲時多
江搖樹影牙旂閃
風送灘聲鐵騎過
回首雲臺何處所
乾坤無復漢山河

張三峰都督觴七星崑

楊本仁

名巖故著嫖姚席
羈况常投山水緣
水碧如空秋自咽
山青不動晚生烟
一杯擬出人間世
萬物渾成洞裏天
醉倚長松待明月
鳳笙吹徹赤霄篇

伏波山晚立

無事日看江上山
百年懷抱隘人寰
微茫若在水雲外
蕭散何知吏隱閒
月出天心鶴共語
風生石窟鶯俱閒
高賢異代誰相問
霞影波光鑒此顏

午日同芹溪憲使舟遊還珠洞暮抵龍隱崑

雨後江山如有待
相携齊赴水東舟
一杯不盡三閭恨
雙劍何妨五日游
亦有神龍曾蠖屈
是誰真隱與鷗浮
月明返棹觸仙氣
無數昌陽石上洲

九日梧州澗山方伯觴予拱日亭喜賦

雲斷蒼梧水急流
半天風雨靜炎州
龍灣虎石三江色
驄馬薇花九日鷗
鄉思動存移菊計
吏情空抱跼鸞愁
岸冠故放登臨目
共倚危亭萬仞秋

雨宿藤江感懷奉馮僉憲

曹世盛

藤水梧溪嶺外連，偏南風氣鬱人邊。
舟帆寂寞江千雨，鼓角淒涼漏靜天。
臘夕夢回閩海嶠，春宵意動桂林前。
聯航步步追仙侶，聊取金尊話百年。

送吳素行之廣西

陳昌

廣州南望海冥冥，百丈牽江幾日程。
鯨浪打船風不息，蜃灰塗屋雨初晴。
蠻巫祭鬼憑雞卜，島寇編氓事象耕。
從此海隅成樂土，尉陀焉敢更言兵。

送趙東臺寺正赴廣西少參

蔡汝楠

月卿此去汎湘流，棘寺芳名憶舊游。
鄉思獨看高嶺近，征途肯厭夜猿秋。
到時藩服應分鎮，行處營門待展籌。

共道陸生爲越使，漢文南顧自無憂。

送施玉湖赴廣西臺幙

幙職仍爲萬里行，伊人早歲有詩名。
霜蹄共惜金臺別，炎樹遙懸桂嶺情。
休遣猿猱驚客夢，聊看水石伴修程。
青春一上熊飛路，應折梅花卽寄聲。

合江亭贈龍雲東中丞

有小序

謝少南

中丞茶陵人以大同之役謫至近，卜完山結茲亭，瞰流眺遠，殊盡勝概。江中新汀，予名以白鶴，喻公暫止之意，西對頗類天台雙闕，因借名之，亦廣雲東戀魏闕之忠云爾。

高秋來眺合江亭，江上新生白鶴汀。
塞北風烟聊息駕，

湘南丘壑自忘形十年髮爲離騷變千里雲從岳麓停
同是明時投徼客倚看雙闕對秋青

湘源

曾游太液問湘源斑竹蒼梧瘴霧昏一自天涯寄飄落
兩從江介弄潺湲南經桂嶺臨官舍東滙秦淮過里門
擬放扁舟看夜月洞庭春水正無痕

登桂江觀音閣

閣前山擁翠芙蓉斜日烟光影萬重雨後落花愁欲醉
春來芳草思偏濃驂鸞未擬從前客携鶴頻看別後容
兩月寒雲縈緒亂坐憐晴靄對西峰

九日同諸僚虞山讌集

九日黃花未著叢虞山置酒賞心同飄雲影亂灘江水
落木聲號舜帝宮秋老那堪聞掛狄天遙元不到征鴻
愁顏易醉西風裏番怪茱萸滿樹紅

十二月十又三日梧州朱砥齋少參邀飲嶺表書
院時有龍門之役卽席留贈是月十七日立春
嶺樹青青冬夕晴主人留客月華明春先五日回陽律
地合三江是會城洽座蘭尊酬泊旅滿階組甲聽調兵
文謨武略俱王事一笑忘年欲請纓

柳州北郭新作鎮越樓與康磐峰少參覽眺

龍城北郭起層臺上有高樓四望開千嶂雲銷簷外出
雙江雨過霧中來猿人墟遠連烟火逐客祠深半艸萊

忽漫與君臨此地共憑風檻罷傳杯

柳州謁劉賢良祠

諫議祠堂兩地成湘西柳郡北昌平危言總爲當時計
直道何知後世名隔岸墓林圍茂艸繞祠江水泛香蘅
登科我輩猶顏厚不盡千秋萬古情

謁柳子厚祠

落落疎松隱墓門羅池祠廟至今存林間聞鳩堪垂淚
嶺外啼猿更斷魂自是遠夸聞聖化非緣逐客誤朝恩
當年舊恨休重省信有文章百代尊

秋日柳山游覽

秋高嵐霽淨無埃翠巘亭臺步步開祠榜尚題前刺史

山川真是小蓬萊長松濤底憑簷檻叢桂花間送酒盃
信美湘南今浪迹那堪極北首重回

藤江漫成

四山殘日半帆風亂石洄波委折通可訝寒江猶碧草
忽從岐路轉丹楓冬回氛稜銷沉後北望星辰感慨中
勾漏西來知不遠將因煉鼎問仙翁

烏蠻灘謁馬伏波祠

老將南征自許身曾驅萬旅此江濱鐵衣試馬酬炎帝
銅柱分疆戢遠人死後何須明薏苡生前早見畫麒麟
蕭條異代風雲變猶有灘聲動鬼神

南寧道中

華髮須從鏡裏窺，青溪偏入櫂中思。邕州紫燕秋無社，蠻驛穠花冬有時。異域冠裳仍俗好，中原禮樂忝吾師。林間孔雀翩翩下，來就江濱照羽儀。

左江道中

遠水涵天澆色同，艸堤沙磧並連空。行人獨往迎斜日，歸鳥雙飛趁晚風。海近潮痕常帶綠，歲窮山果不凋紅。裁書欲寄湘南鯉，矯首徒招塞北鴻。

魏此齋大參招遊玄風圃

豪士知予物外情，炎天招引碧山行。亭心風裊青蘿遠，水面雲飄白苧輕。古洞恍如曾寓舍，靈仙前訂隔生盟。懸崖漫掃題名石，芝艸琅玕好自生。

二 至日同楊右使浮舟湘山渡看梅

至日浮舟已自奇，尊前况復對南枝。瑤華新向陽崖折，玉樹真從水殿移。驛使殊方傳遠訊，故人遙夜屬相思。絕憐歲晚冰霜意，漂泊萍踪尚有期。

送沈參軍出守潯州

徐學謨

長從幕府接華鑣，部領仍煩聽夜刁。秋入貴橫炎雨歇，江清黔鬱瘴烟消。丹砂欲覓三山近，紫綬寧辭萬里遙。更愛使君能遠俗，坐令椎髻遍風謠。

送友人之宣化主簿

廖希顏

日南銅柱扶桑近，仙掌雲霞曙色分。隔歲春風頻送客，異鄉何地更逢君。堂開射鴨容猿嘯，天入回龍信鳥羣。

佐理無勞憚方服銅環椎髻解論文

靖江府獨秀峰下有洞深可十丈刻今字韻詩已

百餘首王索予和之

錢薇

桂郡名峰冠古今谿訝百尺洞天深攀蘿雲裊斜陽色
穿磴泉飛空谷陰兔苑賡題饒傑作醴筵嘉意屬微吟
追陪此日承歡遇媿乏雄篇思不禁

崇本書院新成別殿應教

帝子曾將華館開更成別殿擬蓬萊
牕銜曉日千山出
簾捲春風萬里迴
睿藻迴踰滕閣制
靈光不數魯宮材
祇看江漢同文日
深愧曾非授簡才

和靖江府懋德堂韻

十二疏闌高入雲
天開淑景氣氤氳
獨藏金鑑傳心典
上溯湯盤仰昔芬
月映明河文動色
春吹柳陌思如雲
撫時握管傳風雅
總屬虬龍洒浙勤

書蒼梧公署

遐荒總入帝輿圖
南顧勞勞化未敷
我捧絲綸承黼辰
孰令山水染迷途
貔貅尚阻消戈甲
禮樂誰能變遠區
爲語握符勤撫字
明時何以靖邊隅

溇州書事

斷藤峽下大江流
仗劔乘春萬里游
百粵伏波標柱壯
兩階虞日舞千優
東津對月心同照
南徼觀風病未瘳
願得交人歸職貢
永紆南顧聖人憂

驟雨衝途逆上灘濤迴磯伏浸無端魚龍作勢頃時變
耶許乘風竟日謹慢說巴丘憑峽險曾聞雷斧劈江磐
簡書夙夜寧容緩敢謂王尊叱馭難
自秦人洞過牛關望銅柱
策騎邊關窈窕行攀蘿一徑萬山橫乾坤勝概王猷遠
湖海間關使事忤攬轡未能消卉服偃戈還喜靜蠻獍
遙瞻銅柱開千古新息奇功更可旌

鵝村泊舟

江上春潮正渺茫幽懷無語對林篁高枝鶯囀風初度
野徑花開日欲長萬里披雲期問俗幾回攬轡歎流亡

閑來偶會虛舟理何似歸耕東海傍

銅鼓灘

路出清潯銅鼓灘天風吹棹度汪瀾高江神禹應難鑿
古郡秦皇未許官椎髻語言殊不白花枝濃淡自含丹
欲知同軌稱王會隨處夸歌漢網寬

謝蔡中丞閱武堂宴別二首

暖日春歸輦鼓城元戎敞宴肅郊行且將武備開文會
欲擬王風杜外萌五嶺革心消瘴癘九重屬目奏昇平
早承鑒識欽山斗此日重來意倍傾

羽林俠氣凌霄漢走馬穿雲勢欲飛豈是貔貅能騁捷
總因幃幄有神機從容樽俎方隅淨指顧風雷訓練微

盡日承歡欣勝會管絃孰謂匪伸威

送王給舍使湖廣廣西二省

趙貞吉

禁書新下鳳凰樓才子巡邊物色優遙指九疑探禹穴
要攀八桂望炎丘丹砂訣訪神仙令斑竹詩成帝子洲
江漢諸侯齊述職歸來作頌效王褒

送俞僉憲赴廣右

孫陞

談詩說劍屢相過送別其如萬里何雲渺蒼梧飛鴈少
霜清翠栢集烏多唐聲共數張文獻漢業猶傳馬伏波
君到嶺南尋舊迹莫令光景易蹉跎

送陳郡幕赴慶遠

都亭別去不沾襟仗劍翩然萬里心夾道垂楊引征騎

丁年綠髮映華簪南臨象郡千峰出西傍龍江一水深
遙想使君堪坐嘯幕中書記得陳琳

送邵參軍赴南寧

墨詔將恩下九天參軍今去瘴江邊桂林遠郡開秦代
銅柱遺勳勒漢年尊俎晝閒雲晶晶烟塵夜靜月娟娟
幕中須有防微策莫道南陲已晏然

粵西詩載卷十七

門人思明鄭習孔校



粵西詩載卷十八

奉直大夫前廣西桂林太平兩府通判汪森編輯

七言律

送國子丘君之柳城

康大和

郎君文雅擅騷壇
剩有新詩卷裏看
曉日橋門辭講席
春風綵鷁動江干
花明桂嶺蠻烟淨
柳簇山城劍氣寒
莫道炎方非樂土
絃歌行見遠人安

送呼益齋遷廣右都督

黃宗器

聖主深勞南顧衷
殷勤推轂屬元戎
閩疆久擬留充國
粵嶠新傳拜令公
劍起延津光射斗
旌搖桂壁氣凌虹
行看籌略威名重
麟閣新題第一功

梧鎮寄謝周諫議

張瀚

淮甸兵戈暫解符，銅魚再綰鎮蒼梧。
王師未報滄溟捷，郡國空聞憔悴蘇。
老去青雲驚幻夢，憂添白髮愧訐謨。
久拚初服調猿鶴，猶自戎衣聽鷓鴣。

遊玄風圃見梅花

王宗沐

名園久惜賞心違，忽漫梅開已半飛。
時序暗傳天外信，物華頻換客中衣。
雪移疎影臨丹洞，月伴香魂引素妃。
寄語東風吹莫盡，爲留孤萼占春暉。

桂江舟泛贈送潘汝信姜重明袁期躍三友

粵臺分席待談經，底事思家速去程。
歲晚不堪人遠別，江空况有雁歸聲。
暮雲簫鼓移湘岸，驛路烟花媚楚城。

萬里一尊相念處，功名應未盡書生。

藤江舟中

東征長路戀春暉，簫鼓乘潮歷野扉。
山月似隨孤客棹，江雲長護釣魚磯。
朋遊到處多分散，邊信無時有是非。
萬里未須悲壯志，一官還自惜名微。
客行音信不聞家，獨向孤舟度歲華。
近水烟光分岸柳，隔村燈火雜江花。
榜人夜語驚灘險，估客朝行狎浪賒。
滿眼風波堪係念，更教吹笛傍天涯。

送龔中峰改任懷集

何御

仙令乘雲謁紫墀，雙鳧何事復南蜚。
逶迤荒郭逢春暖，寂寞山城見吏稀。
水淺集溪龍立處，風恬桂嶺雁歸時。

部臣倘問臨江政獨有甘棠繫去思

送林西野之任思恩

秋風燕甸惜離羈楊柳蕭蕭河上筵
雨露竟非偏嶺表
雁鴻何事滯雲邊
征亭草色連芳渡
落日蟬聲帶遠烟
兩地重牽湖海思
近人明月更淒然

送黃知事之廣西

汪鏜

新秋江上客帆輕
把袂憐君獨遠行
此去蠻邦堪託迹
向來鄉國正論兵
蒼梧雲樹依官舍
百粵烟波問水程
幙下如君能有幾
舊家簪紱共知名

梧州沙竹村總制半洲公餞別次韻

林應亮

杪秋風日瘴江開
畫舫絃歌雜沓來
萬里銜恩歡入幕
雙旌追餞惜離杯
楓宸夢戀清班隔
梓里春迎使節迴
知報徵書來早晚
還移司馬坐中臺

送王侍御按廣西

董份

天朝草奏有才名
白簡臺端氣象生
雪霽曉山迎攬轡
冰開春水待揚舲
南荒驛候通千里
西粵威聲振百城
問俗若過銅柱界
按行時訊伏波營

送陳太守擢廣西憲副之任

萬虞愷

問俗閭閻五馬嘶
使君高誼古人齊
甘棠春日留江畔
節鉞秋風過嶺西
芳草獨憐南國遠
遷鶯還憶上林啼
從今誰下陳蕃榻
孺子門前路欲迷

送門人劉將軍謫居西廣

呂希周

忽覩清都劉孝威，蠻橫嚴譴思依依。
青山瘴癘天疑別，落日蕭條鳥獨飛。
萬里孤臣看玉匣，南中北望泣金徽。
元戎未報收交趾，好仗詩籌疾解圍。

校文廣右次大司寇周公貞庵壁間韻

高秋爽氣日華東，入望清光似鏡中。
萬馬飛騰依碧落，五雲香靄御晴風。
天昌百粵山初合，鯤化南溟海亦空。
月出邊城銀箭急，餘輝中夜燭羣峰。

鹿鳴宴示廣右諸生

八桂秋高宿霧收，漓江式宴澆清流。
神魚出海從空躍，瑞鳥鳴岐豈待蒐。
燕樂直看侔大造，周行還擬效前脩。

欣逢韶曆升中日，好捧光華照九州。

風洞次李頻

蒼蒼深樹帶寒烟，漠漠長川極目天。
空洞荒苔留舊迹，夕陽孤壘見歸船。
風前落葉雲偏急，望外層巒夜欲連。
萬里東吳秋色晚，梅花殘臘忽更年。

九日廣右張總兵邀登四仙洞，列炬深入探寒泉。
沿江而上遂登龍隱崑，百戲具承落英滿盞卽席。
再次李頻

山城亭午罩輕烟，滿地茱萸媚遠天。
仙洞寒泉通古穴，漓江歌吹振樓船。
龍崑闐寂垂蘿繞，石齒參差細浪連。
采采金英駐仙鼎，流光冉冉漫催年。

出龍江寄謝廣右諸君子

涼風颯颯龍江上
淡日蕭蕭獵騎鳴
老樹孤岑相對起
朱輪翠蓋不勝情
百重雲鳥虛成陣
萬疊蠻山正穩行
溪水毒淫今日好
聖朝窮谷頌昇平

宿山棗驛次壁間韻

細雨千旄來野館
冷烟疎竹自昏朝
郵筒落月傳嗚咽
蟋蟀迎風伴寂寥
暝歇曙雞蠻語近
夢回池草故鄉遙
興安千尺東分水
旅骨悠悠向此銷

訓廣西鎮守傅太監

四星旁列紫宸前
入雅時聞孟子賢
披勃有功還裕後
管蘇多禮竟誰先
朴中肯銜冰統飾
納約常存急就篇

最愛相如爾能薦
澠池高會至今憐

送錢承江按廣西

茅坤

五十年前我舊遊
仍聞使節按炎州
夸歌野戍圍山水
繡斧雕戈擁督郵
東望蒼梧瞻粵海
南連象郡總兜矛
府江戰壘今猶在
倘賜祠田慰部酋

送玄洲沈先生出守潯州

瞿景淳

天朝聲教徧南州
冠冕乘秋作勝遊
路入九疑悲帝子
風沿百粵想康侯
雲封白石堪留碣
沙煖烏江可放舟
官閣坐來公事簡
願傳新句慰窮愁

八下粵西蕭伯昇少宰疏二十上求歸侍母詔許之以

詩送之

鄒迪光

獨持冰鏡領朝紳啓事山公品絕倫二十疏中將母意
八千里外拂衣人黃冠製就辭明主赤舄收歸號道民
想像桃花開谷口可容劉阮問迷津

送顧太守之官桂林

袁學尼

夕郎清望重留都五管新分竹使符帝念遠人勞出牧
民傳良吏喜來蘇轉輸東下瀧江險控壓南間桂嶺孤
遙憶褰帷行縣日山謠歌舞拜前驅

爲吳侍御贈廣西鍾提學

王世貞

中外臺端見表儀不煩霜面瘴烟披分來秘閣藜千點
校後諸生桂幾枝門下陳欽談左氏蒼梧爲公屬郡江東匡鼎
受葩詩懸知獨秀峰頭坐五嶺雲霞更屬誰公讀中秘書爲御史

提學南
畿故云

送陳僉事視廣西學

春風萬里鬱林西客有乘驄使者衣桂嶺雲生天欲盡
藤江霜落瘴全稀詩題粵館逢梅發書就湘帆與鴈違
左氏諸生今受易看君絳帳已光輝

送顏司理之任平樂

官好那愁度嶺難年青不怕瘴烟千山逢仙吏誇丹竈
澗向明時愧考槃繪閣風簾排秀入訟庭霜筆到春寒
從他筋竹衫蕉好只作浮雲過眼看

送沈古林少參赴嶺南

周思兼

高館張筵夜已分金杯頻勸惜離羣百年悵別蘄陽路

千里追隨楚澤雲桂嶺樹深何處是驪歌聲促不堪聞
歲寒楊柳俱搖落獨有甘棠可贈君

寄懷張肖甫少參廣西

徐中行

中原一自起彈冠南徙仍從萬里看地擁銅標新岳牧
天迴金馬舊祠宮紫薇玉樹春相媚白雪明珠夜並寒
虛道四愁君更切那無一字報琅玕

送陳督學之廣右

曉乘驄馬出嚴城南去梅花滿驛亭玄草舊傳揚執戟
蒼梧重見漢明經霜清瘴海千山出日落夸歌幾處聽
共道炎荒文教洽空勞銅柱倚青冥

送方使君子及之全州

子奇蚤歲出爲邦才似文疆世少雙明月一珠過合浦
春風五馬到灘江卽令臥閣堪移俗何必長纓始受降
藻思况逢山水郡登臨時擁碧油幢

武昌聞曹有卿自粵西擢浙臬寄贈

并序

有卿自比部其先公自御史並分巡越中至今父老
猶誦慕云

褰帷忽自九疑來憲府遙臨禹穴開銅柱至今望海嶠
霞標依舊插天台江南盡識青驄步鄴下誰當綉虎才
笑問吳興登峴首何如山簡習池迴

送許子峻使君赴柳州

吳國倫

嶺雲隨客度蒼梧直道無妨再剖符象郡自開秦井邑

蠻荒總列漢輿圖一樽解纜兵聲劇萬里懷人海月孤
報國此身君獨健勿云遷謫是窮途

寄全州呂先生

雪盡天空一雁呼片雲何處是蒼梧湖南風雨談經過
嶺外兵戈入夢孤老大未窺楊史宅衣冠殊忝鄭公徒
惟應鈿鈿潭前月萬里懸看傍玉壺

寄懷張肖甫參議時自滇南赴粵西

中原遷客一時收不道還同萬里流金馬已聞歸漢使
青門何意老秦侯十年兵火居難卜一字關山淚未休
望望蒼梧南紀盡白雲先入故人愁

送王參軍之橫州

宗臣

中原落日怨離羣萬里關山路又分亂後誰爲驃騎使
征南吾憶伏波軍湘妃斑竹行秋雨帝者蒼梧起暮雲
銅柱高標猶在眼好將勲業荅明君

送朱明府仲開謫平樂教授

謝榛

黃鳥鳴時別禁園宦情南去復誰論鄭虔此日聊詩句
陶令何年共酒樽秋到百蠻思北鴈雲迷三楚望中原
滄江寂寞芙蓉老官舍長歌獨閉門

送莫尉還桂林

魏裳

把酒都亭暝色催翩翩劔騎出城隈薄遊堪羨神仙尉
多難應憐幕府材道路窮時聊免哭田園荒盡且歸來
書空往事何須問懷抱還依桂樹開

謁伏波祠

張佳胤

樓船東繫大江村敬弔先生廟貌尊豈是中原無蕙苾
遂留遺恨在乾坤殊方事業標孤柱異代心思此一樽
虛擬封侯來絕域漢家今已閉關門

世宗久絕安南貢使

閱武

承平不講六韜文教士春原盡日曛營勢總然成虎豹
陣圖曾否象風雲關門鎖鑰孤城重天地華夸一郡分
莫道南方難用武斯民舊號伏波軍

遊白雲精舍懷董幼海年丈

青山東峙大江圍遷客遺居傍翠微倒聽泉聲崑畔落
西來霞氣洞中飛誅茆祇解談高致折檻誰憐履禍機

前席生還今不賤遐荒儻記白雲扉

公時召還為太僕少卿

遊思陵山

雨後春明野望開旌旗同上最高臺千山指點華夸界
二水遙從左右來戰伐當年俱寇壘太平今日共尊壘
流連豈是耽丘壑懷古應憐制粵才

閱視南寧城

炎郊春望白雲浮指顧提封一瞬收睥睨青依千嶂出
樓臺聲遶二江流當時銅柱留遺事此日旌旗豈漫遊
敢告邊關司牧者西南輕重本邕州

行部南寧風氣明麗喜而賦之

浮雲東去接崑崙雨過春明水竹村馬上稱心無瘴癘

粵南此地自乾坤金城迤邐雙流抱銅柱崔嵬萬古尊
數載炎荒經歷盡宦情吾擬在中原

贈陳舊溪任全州

徐獻忠

黃綬從來重典籤瀟湘雲盡望中淹夸方久已供王稅
吳下猶聞拔孝廉溪洞南來勾漏近鷓鴣啼處荔枝甜
知君抱有匡時略好把青萍試手拈

伏波廟作

方弘靜

徑仄峰盤積石遙伏波祠宇儼層霄雲臺自惜當時像
銅柱猶存萬里標馬革不辭捐絕徼驪珠寧復穢征軺
據鞍已近懸車日何事雄心未可消

嶺右張使君闢園城中臺榭池沼皆桂林勝絕處

予聞竊嚮往焉賦得霽虹橋

胡應麟

淶水微茫漲碧空佳期誰向大堤同水輪兩岸飛明月
玉柱三天駕彩虹殿閣半浮朱舫外笙簫時出畫闌東
宜人最是新秋色十里芙蓉一夜風

送司封黎郎中惟和出參廣西政 歐楨伯

鳳城芳草散鳴珂橫笛誰堪馬上歌荆楚曉烟飛越雋
湘灘秋色入牂牁省郎劒氣雲霄遠詞客江潭岳牧多
玉節明年應召趣咸陽西上莫蹉跎

送袁左州

西下陀陵竹馬懽虎符何日出長安登樓山月諸蠻伏
吹劒邊風萬騎寒鬱水星搖秦使節蒼梧雲傍漢臣冠

明年羽獵誇□客歸賦長楊雪未殘

胡金峰巡察西粵詩以贈之

汪道昆

故鄉風雨釀春寒絕域寧辭行路難
白簡兩都持國是蒼梧千里辟神奸
不愁驛使音書少爲報蠻方節制寬
握手看君頭未白十年一著惠文冠

密雲送侯郎中出守思恩

膏車伐鼓下漁陽邊馬翩翩五驕驕
目是軍儲須汲黯誰憐郎署老馮唐
九重春色從新主千里炎風接故鄉
試聽塞門橫笛好武陵一曲引杯長

滕王閣送謝與槐廣西督學

許穀

詞臣西去暫停驂高閣銜杯落照含
十載官階同內外

一時賓主屬東南三湘舟楫逢秋雨
八桂風烟擁夕嵐莫道校文勞侍從
卽看宣詔過江潭

遊湘寺

舒應龍

空王臺殿絕囂氛玉盞燈明正夜分
山徑猿啼初上月石牀僧定恰歸雲
現前幻影空中色象外真詮靜裏聞
漏盡蓮花心似水惟餘香霧日氤氳

武林送章僉憲之廣西

陳鶴

憲節翩翩向法臺遐荒萬里瘴烟開
聖王化久文身盡粵服人和白雉來
膏嶺日寒風似雪牂牁雨過水如苔
斷腸極目他鄉外簪珮何年返上台

送徐華源太守赴太平

陳鏊

送客都亭歲有常送君今日意偏長甘棠未斬先人澤
乃祖復齋
公曾守蘇奕葉重瞻繼世光冰蘖十年碑在口恩波七
邑淚霑裳扳轅盡欲執鞭去萬里蒼梧恨未遑

蒼梧舟中

陳奎

海墅烟消春日晴舞揚風送木蘭輕官閑不廢看山屐
時亂應多擊楫情天上俄驚玄鳥訊塵中苦憶白鷗盟
客卿又作桄榔夢未信江湖好避名

贈呼益齋移鎮粵西

少年秉鉞早登壇刁斗營門夜不譴陣擁黃雲魚鳥肅
劔懸秋水斗牛寒幕中借箸頻前席馬上談詩每據鞍
才大屢屨分闈寄馳驅知不厭多艱

海上鯨波久不揚將軍節鉞指西疆旌旗半掩三江日
組練俄生六月霜破敵威名雄李廣用兵神武逼汾陽
拊髀正切臨軒想願策殊勲答聖王

桂林諸葛亭

黃芳

四山繚繞鬱孤亭亭上風烟白晝冥世亂英雄扶漢鼎
功成干羽在虞庭師興渭上人歸義星殞營中地失靈
我欲渡瀘追遠略却慚雙鬢已星星

贈柳州融庠甘思學

諶道行

春秋世故久磨礱月旦評高一鑑空輔弼位虛需俊傑
經綸功就屬英雄粵西山水神靈萃斗北文章汗棟充
戎幕遠臨臻永孝大都談笑覩人龍

送朱參將先赴西粵

沈明臣

將軍何事未封侯，百戰名隨大海流。
馬上短衣擎鵲印，花邊緩帶訪龍丘。
三湘地濕蒼梧雨，萬里天長八桂秋。
幕下幾人工嘯咏，不妨同作庾公游。

殷中丞平廣西

密籌如天峭壁孤，大藤峽斷走狂奴。
懸知上帝收槃瓠，遂有王師滅短狐。
萬里風烟開八桂，九天日月照蒼梧。
功成肘挂黃金印，御史中丞漢大夫。

送鄭太守刺永寧州

春風萬里欲何之，馬首西臨百粵時。
八桂乍聞收瘴癘，蒼梧須自罷熊羆。
新人采藥披山去，蠻戶輸賓下箒遲。

太守今來持漢法定，如日月照邊陲。

送高象南太守赴慶遠

五馬翩翩萬里行，蒼梧雲影逐帆輕。
數家蠻井依山驛，到處郵籤報水程。
八桂月明天共遠，九疑秋盡鴈無情。
郡中開閣延高士，萱蔻花邊幾送迎。

送范東明參政廣右

朱拱樞

幾年傾蓋荷相知，忽漫蒼梧是遠離。
祖席未禁炎月夜，維舟况值暮雲時。
九□旌節多遺愛，列郡謳歌總去思。
何地懷君最惆悵，秋深滕閣鴈來遲。

贈左生歸廣西

夏茂

江上芙蓉笑語新，洞庭秋盡鴈來頻。
誰將風月延嘉客，

漫有聲聞到野人桂嶺山高雲樹淨章臺天遠夢魂親
故人已領銅符重千里棠陰屬去程

送盧起溟之馬平

董嗣成

分符萬里到要荒孤劔千山去路長象郡總歸周職貢
鮫人今識漢文章雲開絕磴通南海花裏新詩滿夜郎
聞道嶺梅春萬樹北來莫惜贈行裝

送向郡博移官粵西

錢希言

廣陵文學似君賢三載移官尚舊羶俸薄不堪供買鶴
堂空祇自歎懸鱸八荒象郡青山外五月猿聲絳帳前
何用他年尋樂去此行勾漏卽神仙

送袁廣文擢臨桂令

講帳初高秉鐸名分符又向始安城地臨八桂山嵐碧
路入三湘水色清官閣燕飛占雨至訟堂人散見雲生
此行卽是神仙令莫道丹砂不可成

送江地官伯馨出守太平

陳有守

萬里炎荒銅柱標千年北拱玉宸遙虎符熊軾開蠻府
畫戟朱旛下聖朝儲計久知稱相國折衝應不羨驃姚
日南從此流聲教早奏謳歌入舜韶

送沈太守之潯州

羅鹿齡

已怪秋風感客心天涯送別轉難禁十年荏苒余留薊
萬里翱翔爾向潯世路何須嗔按劔人情相見說遺金
驪駒明發君應遠伐木詩成祇自吟

因莫與京還家便東及章使君柳州幕府之作

莫叔明

使君別去重傷情
綠酒紅亭復送行
染翰欲成鄉國句
愁心何處柳州城
藤陰洞古雲中黑
月色峰高浪裏明
却笑著書終日者
閉門花縣歎浮生

送桂林吳博士移官全州

陸之箕

婁江雪後動行舟
詔許移官故國游
歲晚青氈還遠別
天寒芳草總新愁
人從梅嶺山邊去
雲在湘潭水外浮
却喜龍門元近洛
誰嗟李廣不封侯

風洞小集

陳暹

窈窕山林不出城
尋閒載酒叩崑局
溪橋飛蓋雲移影

山寺鳴鐘谷應聲
雨後梅腴枝並亞
風前柳偃葉隨輕
塵埃不著登臨道
一月還應幾度行

送李渠波二尹歸柳州

高世彥

巴山蒼蒼江水長
送君春棹下沅湘
夢殘蕉鹿浮名定
老伴沙鷗逸興狂
仙李孤根先有自
芳蘭多嗣後稱良
乞身歸隱情偏裕
宦海何人問去航

遊獅子崑

李承節

石洞空明勢崑然
蓬壺誰識在蠻烟
循行偶藉黃堂暇
追賞真叨錦轡聯
絕點風塵疑幻境
放懷觴咏愧忘年
興衰飛鳥凌千仞
覩盡南荒萬里天

湘山寺

胡宗明

捫蘿躡蹻蹬被蒼苔亭外奇峰面面開已見千年人不朽
却疑何處石飛來孤雲岫近平臨塔三水江分曲抱臺
繾綣憐君交誼重湘城落日尚傳杯

題飛雲山

李杰

天長地久石留痕蹤迹如何認得真歲月敢逃康節數
淵玄誰踏赤松雲青山作橈傳千古金谷留春好十分
悟到也知天在我化機留動百年身

雙角橫嵐

生成伯仲兩高峰不與羣仙亂亂同仙骨蛻神恬異夢
瑞烟拖練護香風吹殘牧笛吟初放坐爛樵柯奕未終
我獨樂山心最切百年何事此奇逢

道鄉書院舊碑

李圭

嘉靖丁未歲于道中得井欄一面滌其泥穢有字漸
露乃斷碑也遂徧求之更得數片惜不能成章乃爲
置之學宮

道鄉書院久銷沈誰憶殘碑此日尋天爲忠賢留聖跡
人于夢寐感知音貞珉肯逐風霜變妙畫原非鬼物侵
讀罷益增今昔感斗山應借重儒林

邕州感懷

李汛

莫唱當年苦李吟偏留此味到如今五花洲外雙愁鬢
百粵天南萬里心何必對人論曲直自難與世共浮沈
紛紛從此遙相謝歸去黃山不可尋

舟泊府江卽事

林懋舉

樓船夜泊府江湓宵柝紛紛鼓角悲螺髻山青棲鳥絕
馬灘風急榜人疑追隨旅客憐蓬斷多少微官泣路岐
寄語諸蠻休浪喜王師早晚慰雲霓

送邵太守赴養利

胡思忠

乾坤五馬一麾遙渚草汀花共寂寥旌節曉看衝朔霧
樓船秋喜泛江湖萬家烟火蠻夸靖千里風霜瘴癘銷
知爾此身堪報主豈因岐路歎蓬飄

送邵象峰先生赴河池

先生前守珠厓

趙大佑

千山送別海雲長五馬猶然舊服章祗爲恩光均率土
翻疑蹤迹慣投荒遠遊路遶湘君竹遺愛花新召伯棠

消息願言隨處好本來清白重吾鄉

贈藩伯砥齋朱年丈之任廣右

鹿鳴回首清秋裏二紀相看又一年幾度京華同日月
那堪嶺嶠各風烟蒼梧萬里行程迥綠柳千條別緒牽
若見伏波銅柱在交人猶界漢山川

贈西崑徐節推之柳州

黃廷用

昨捧除書下建章尊前萬里別情長龍城山水皆皇土
象郡烟霞近楚疆嶽院晝閒巢野雀畫堂人靜對斜陽
也知聖主掄才日不似宗元滯一鄉

送少府貶柳州

陳贄

憐君謫宦向邊庭對酒愁聞歌吹聲落日茫茫鄉思遠

滄江渺渺客帆輕，楚猿嘯月過衡嶺。越鳥啼烟，傍柳城
賈傅投械，弔湘水至今流恨。未能平

登柳州城樓寄漳汀封連四州

一上層樓望八荒，鳥牽愁思入蒼茫。西風羅騎巡蠻徼，
落日啼鴉在女牆。瘴雨來時淒客况，夸歌起處斷人腸。
遙憐彼此俱遷謫，試問何年歸故鄉。

送饒平學諭謝原仁校文還任時余監試同事又

派連舟至蒼梧故及之

陳焜

灘江南下接梧州，兩岸青山李郭舟。木落風高鷗鳥喚，
江空夜靜月輪浮。殘牙尚憶紅綾餅，寒色初侵紫綺裘。
明發驛樓情未盡，一樽臨別更綢繆。

宿蘇橋驛

驄馬行行歲事闌，驛樓遙指暮雲間。清江一曲門臨水，
碧樹千章屋傍山。村巷幾家經寇破，林鴉數點覓巢還。
何當爲掃烟塵靜，處處柴門夜不關。

暢巖懷古

熊夢祥

玉削芙蓉插碧蒼，二程曾此寄脩藏。書聲雲鎖猶遺響，
墨迹苔封尚有香。吾道幸存留正脉，斯文不沒遍遐方。
閑來仰止高山在，極目長天憶洛陽。

舜帝廟

劉欽順

隱隱蒼梧映郭門，滔滔江水抱山根。羣峰獨捧重華廟，
大地誰云五嶽尊。雲暗九疑迷葬地，月明孤竹見啼痕。

長將澗藻修寅祀願就琴薰與德温

橫州報恩寺

吳時來

爲借殘僧舊草氊茶壺酒榼一蕭然霜清寺徑鳴黃葉
日午村林生翠烟高士菊開三徑裏將軍樹老碧山前
不須遠訪恒沙外當眼三尊亦老禪

又訪玄關上北禪疎鐘宥在翠微邊臨風獨憶鴻音遠
飲露俄驚夢鶴年草逕人來雙葉下松扉雲去一僧眠
與君何必誇黃鶴忽漫真成半日仙

謁少游祠

萬端誰辨是和非三黨鑄成元祐碑吾道豈無能此輩
他鄉猶幸見荒祠佛書汗漫憑人語實錄增添敢自私

却笑醉鄉偏廣大至今猶誦海棠詞

興安渡萬里橋去京師萬里

董傳策

憶昨含香侍聖朝風烟回首隔迢遙客游忽到三江峽
世路今過萬里橋籠內乾坤人獨醒舟中日月賦堪消
戍樓那更炎荒遠橫笛秋天爽氣飄

興安斗夜泊

湍斗烟嵐海岳愁江天暝色苦淹留關開虎豹秋生棘
雲閃旌旗客倦游隔岸夸獠喧夾谷四山風雨到孤舟
十年獻賦今戎伍尚有丹心照敵樓

游七星崑崙下有洞甚奇

七星崑崙烟霄起簪帶亭縣暝嶠開石徑忽看盤窈窕

篝燈初入度縈迴神工斧出金天界仙乳溶成玉露臺
物象宛然真詭境龍潭一躍見三台

游隱山六洞

衆峰合沓撐嶙峋六洞迂折蟠江濱逸夫稅駕留此境
桂樹摩霄知幾春峭壁劃開壯士劒幽崖挂出仙人巾
塵寰倘不涉萬里安得壯觀凌穹辰

伏波崑有試劒石跨還珠洞

烟崖削壁落青蒼洞口江濤泊大荒疑有神來揮玉斧
却看懸處插牙璋伏波不辨明珠載劒石誰憐干將光
錯把疑珍惱明主丹心只合照橫岡

灘江

遠遊苦憶灘江險今到灘江冒險看萬疊波濤春石齒
千盤豺虎嘯瀧灘霧迷峭壁飛鳶細雲斷荒椒落日寒
傳語靈胥休怕客孤臣元仗赤心安

渡烏蠻灘

巨峽奔騰倒石根嘯猿啼鳥失山村飛湍欲躍雙蛟出
疊壑俄驚萬馬掀江客孤航風夾浪篙師十月汗翻盆
明時漫復愁荒徼夸險從知吾道存

伏波祠三首祠在烏蠻灘上

祠宇俄然鎮水漪勳名千載亦乘時驚濤似鬪蒼龍劒
疊浪疑翻赤羽旗絕塞秋風吹畫角荒山榕木老炎枝
壯游那更逾江峽悵望烽烟有所思

矍鑠猶傳定遠謨白頭心事半馳驅
瀧流飄撥投鞭斷島嶼依微發嘯孤
志託風雲堪躍馬身依日月尚還珠
百年論定君何在庭木蕭蕭客自呼
英主規恢開遠績丈人韜略見雄才
却看銅柱標南極似有龍光燭上台
江上烟波秋駐馬吟邊遷客晝登臺
明時未報銷金甲山鳥林猿更可哀

過橫上下諸灘

苦竹黃泥矜噴壑鼠牙磨角溜迴湍
銜恩不計夸方險報主誰言行路難
落日玄猿啼暝嶠戍樓清角下寒灘
側身萬里瞻雲漢江鳥山花總自看

近戍

鬱江盤折注炎壤邕管蒼涼樹蕪荒
村女趁虛簪茉莉市檐包箬載檳榔
日消池霧萋沾碧風撥山雲袖染黃
達舍彎弧空好在偏驚搖騎柝聲長

夏日敷文書院

虛堂夏日敞幽襟坐看凌霄雙杏林
長鋏不堪頻倚賦多才何意復投簪
風翻雲樹天花落雨拂烟霞艸色侵
清世壯游誰比竊敷文今已愧傳心

東泉書院姚公祠

江海英聲早擅奇縣符振鐸亦乘時
兩朝鎮篆推經略八桂夸封仗保釐
狂寇漫驚雲鳥陣孽奴終煽羽干儀
瞻承廟貌空懷古炎徼烽烟倚阿誰

與吳惟修登鉢山限韻口占

曙色依微海霧昏
千盤蘿磴疊孤村
雲屯樹影漁磯斷
風散崑烟鳥羽翻
玩世自應瞻佛日
耽遊誰解問真源
登臨况有同盟者
今古升沉漫復論

出遊閱武營赴胡經幕之宴

高秋霧氣襲江城
客騎駢駢閱武營
絲竹聲翻今古興
牧樵人動水雲情
挽強喜識嫖姚武
落指疑傳中散清
我亦追游剩詩興
歸來風月倍光明

送梁生還賓州因訊梁博士

炎徼風塵障赤沙
太玄誰擬授侯芭
葛巾漉酒真堪共
華髮論文枉自嗟
雲暗池塘生夢草
春深烟雨落梅花

上林定訪梁丘易詞賦還應疊絳紗

海棠書院弔秦少游

烽烟淮海鬱迢遙
千古書堂鎖寂寥
炎徼自傷流寓客
清江猶跨海棠橋
春深花鳥梅風細
秋老山川瘴氣高
憶爾佛書真汗漫
醉鄉天地只飄蕭

游崆峒崑同惟修

孤崑蕞爾團清障
七洞依然見化工
似有鯨魚來鑿窟
卽看風磴坐凌空
盤旋直敞青蛟窟
夾疊橫開白雀宮
高眺忽摩仙掌出
天門霞氣欲成虹

羅山紀遊限韻

藍輿迢遞躡雲林
碧落霏微散午陰
蘿竇拂衣開鳥道

松風披雨動龍吟丹崖青壁寰中景竹杖芒鞋物外心
烟竈不堪迷古剎誰憑山谷問升沉
炎岡岑鬱俯塵寰梵宇松青羅秀山怪我好遊頻對景
憑人濟勝一開顏雲飛石棧千峰裏風散林烟萬壑間
懷古却看迷望處遙憐銅柱聳南蠻
雨餘烟翠濕空林萬樹扶疎斷夕陰野曠居人迷豹迹
風高遊子亂猿吟上方寥廓摩鍾蠡下界微茫禱佛心
歸路恍疑光霽在相看天際月沉沉

登青山絕頂

石壁摩霄古寺橫嶺雲裊裊樹烟半層巒野合天無際
松塢春深鳥有聲江帶數峰朝翼軫山連百雉斷滄溟

振衣陡覺凌蒼莽長嘯還驚阮步兵

半山崑晚眺同霽川立卿

又涉山腰二妙同烟霞縹緲散晴空江流活活浮雲外
漁網恢恢落照中故國年華消客夢殊方物色動春風
坐來雙眼波光合何處征人隔燕鴻

夏集快活園

雲亭卜築傍江寰面面清流挹遠山拂檻松風春滿坐
宜人竹葉午熏顏邵園瓜熟青門外蔣徑苔生綠野間
暑氣已看消習靜林端惟聽鳥綿蠻

閏月重午郭華溪郡守招客同遊青山是日爲余
構亭

炎景載標縣艾序清游乍起築山盟笙歌坐轉雲崑出
冠蓋行隨竹馬迎亭敞石泉天外落峰盤林洞日邊生
芳華喜沐棠陰在漫指幽人戀赤城

立人 猺寇夜劫宣化庫

秋高明月斷笳聲猺寇無端薄漢城戈突四郊人闔壘
梯衝千雉夜吹笙鐵衣未奮鷹鷂氣玉帳堪籌樽俎兵
怪我羈棲無可效請纓空羨棄繻生

雙龍洞天爲陸山人

雙龍山下龍欲飛仙人騎龍何處歸龍搖天上生江水
人在雲中開石扉雲白山青有真宰花開木落無停機
迴看瀛海靈光合萬竅依然聲正希

蒼梧花

蒼梧卽刺桐花異物志云嶺南多此物因以名郡升
菴楊太史有刺桐花行謂惟嶺南及滇中有之然觀

唐劉昌言下第詩云惟有夜來蝴蝶夢翩翩飛入刺

桐花昌言泉州人豈閩中往亦有之抑泉固嶺南境

耶今潯邕一帶最繁人家至插籬落每春夏之交始

開臨水作淺紅色夾之粉痕千林競放殊妍致可愛
炎靄迎嵐溪水潺蒼梧花發破林慳絳痕啄出鸚哥色

粉撲翻成蝴蝶斑巧自芳菲醺碧落妍誰婀娜鬪朱顏
風流太史滇中賦嶺表慚予語作蠻

重九日同何子登最高臺

重陽又上最高臺游子他鄉幾度來萬里未逢秋菊放
一尊聊對午雲開青峰陣裏孤亭矗白鷺洲前二水迴
漫倚西風懷百感故人今日暫追陪

和平粵寇詩奉答張督院見寄

征南雄伐寇氛蠲聖主垂衣紫極躔推轂好憑文武憲
拊髀應略牧頗賢捷馳西粵拋營甲馘獻三秋淨海烟
重鎮尚煩經制在却需麟閣論功年

橫池波晏將韜弓玉筮遙驅萬里風勳築京觀膺簡重
師殲渠帥決機雄廟謨自際中朝穆闡略誰籌外徼窮
宵旰至尊圖永泰金甌應仗保障功

最高臺同幼海諸公

張貫

建武崇臺舊馘蠻臺荒今羨此臺攀星河東注盤邕水
雲檄南憑指號山五嶺瘴消樽俎際四雄寇靖鼓鼙間
時會潮四如流筆翰還賓從信有名公日日閒
巨寇就擒

題伏波祠

方瑜

彩鷁翩翩入境時便將牲幣謁公祠樓船萬里衝炎海
銅柱千年伏遠夸江雨灘聲秋正洵亭烟竹色晚相宜
平生志業憑誰語慷慨英雄亦我師

最高臺同幼海諸公

城上層臺控百蠻清秋樽俎得相攀兩江形勢疑無地
何處登臨別有山銅柱影含烟霧裏崑崙功奏笑談間
丈夫意氣高如許暢飲何妨半日閒

董泉亭

徐浦

青山山上董泉亭爲有高人築始成直節漫誇羣嶽並
流風長共此泉清塵纓濯處銷凡慮杖屨看來豁吏情
好事盡饒君做去登臨深媿逐虛名

贈胡泰六撫臺轉任兩廣

許樂善

金章玉節賜神京帝命星軺嶺外行豈爲殊方勞闡鉞
只因粵島慕威名五羊令布前茅遠八桂旗開細柳晴
父老攀車瞻戴切袞衣肯再蒞江城

張待御出守梧州

李維楨

南牀雄劇雜端公領郡威儀自不同辟路乘驄增五馬
屬車懸豹畫雙熊事傳家世青箱後名在朝堂白筆中

爲借風霜秋憲府澄清瘴癘八蠻通

天開五嶺綰蒼梧郡將專城佩虎符銅鼓匏笙分部曲
椰漿桂蠹出行厨金留道士乘舟石砂長仙翁煉藥爐
聞道容江春色好綠波渾似掌中珠

送黃侍御按廣西

韓世能

憲節遙臨海徼偏使君名自鳳池傳神羊威震炎荒地
驄馬寒嘶瘴癘天八桂霜華搖繡斧百蠻秋色護樓船
預知按部澄清日白簡長依白日懸

桂林諸葛亭

盧仲佃

碧草黃鸝訪武侯扶搖直上白雲頭當年魚水君臣重
此日蘋蘩天地悠把酒風中宗像肅放歌月下客心秋

歸來只覺塵如洗人在瑤臺十二樓

象鼻山

龍從天象出雲端占住人間活水灘飽吸清風高捲鼻
橫拖明月懶歸闌空中體格三更白物外烟霞六月寒
坐久洞中塵世隔冰壺玉宇意中看

風洞

誰劈崆峒作大觀洞中風起四時寒開昏月下尋濂叔
著屐山中問謝安雙眼獨看山島外一樽共泛五雲端
時清宦散無多事出入先天間弄丸

花石洞

蔣三近

子丑爐傳幻此竅平原突起更奇哉雞鳴犬吠人間世

白珉蒼珉劫代灰龍耳有珠何處覓羊髯摘粲遇門開
不勞泛海求蓬島驅馬神仙洞裏來

平古田詩

俞大猷

相逢盡問事何如我亦九夸一度居此日但能行篤敬
他時可使戶詩書柔非剛克功常罔恩用威施化有餘
開闢千年今再見却疑天地果無初

送林比部榕門先生典試西粵

潘緯

萬樹蟬聲驛路長北山朝雨送新涼螭頭暫輟明光草
雞舌猶携漢署香四牡隨雲過五嶺一帆帶月度三湘
西人定識求賢意遠借仙郎出帝鄉

娥英崑

張禎

娥英勝概擅南州縣父乘閒此一遊持斧氣橫五嶺外
停輪春遍百蠻頭窮荒掃電狼烟息幽谷逢陽宿霧收
自喜追陪賢哲後放開懷抱互歌酬

贈金龍泉南征兩廣

王周

昔年捍衛事功優此日南征賴運籌三尺龍泉擊日月
六韜虎帳震貔貅先聲已喪夸酋胆定策將遺楚國休
奏凱歸來報明主麒麟閣上詔封侯

兒征兩廣臨行贈別四首

喜爾今朝握重兵親闡拜別亟南征襟期萬里勲名遠
琴劍一囊湖海輕魯仲尺書平寇亂子儀單騎振軍聲
竚看談笑功成日奏凱歸來話太平

征鼓聲喧麗日遲滿堤細柳列旌旗符分漢闕隆推轂
節映衡陽望撫綏劍氣橫空銅柱績文韜席卷木猴屍
功名萬里男兒事莫爲桑榆日暮時

萬里烽烟促戰袍此行休獨歎賢勞吳花越草迎兵甲
海岫江峰壯節旄投筆仲升終樹績題橋司馬業偏高
驅馳莫訝羅浮遠歌凱還朝稱夏曹

海寇方勤天子憂分符肘後寵光優臨行衣線非慈母
仗節叮嚀有白頭馬足走星還蹀血龍旌耀日樹奇謀
掀天事業男兒志題柱於今芳史留

題住仙亭

霍與瑕

山爲樓閣石爲臺驅馬登臨首重回野水橫舟從客渡

好風吹雨過溪來千年峒古人空老幾日春
啼花自開感慨有餘新月上一樽聊得二公陪
明公開府控西州伐暴招携賴壯猷八寨從風無犬吠
四山明月有啼鳩星辰影動銀河淡海宇涼生玉露浮
畫角五更吹出峒不知何日重來游

遊四門峒

雲上行

巨靈驅石峭爲峰石裏珠宮若磬鐘絕頂無論天幾尺
結根應透地千重幾番瞻望心逾切此日登臨興故濃
獨憶昨朝來五馬慚爲地主不追從

遊堯山玉皇閣

張鳴鳳

仙閣高鄰上帝宮石闌攀眺出晴空山如列宿齊朝北

江似游龍曲向東豈羨鍊形堪馭鶴尚憐奇氣欲凌虹
醉鄉近在吾家側不用裁書寄朔鴻

酌棲霞洞口

洞門烟景媚春晴下遶東溪水更清乍落芳桃驚浴鷺
漸垂纖柳隱啼鶯看碑轉覺名難立對酒寧知句易成
戲折崑花簪不定接籬乘醉任敲傾

聞馮元敏轉楚參知分省鄖襄已從嶺西戒行在
道候之全州先寄此詩

俞安期

桂林南望久霑裳千里從之險道長我過衡山臨粵嶺
君乘湘水下襄陽猿崖壑底藏雲黑鳥道峰頭挂雨蒼
會面殊方心更急不堪征馬日玄黃

安刺史邀集帶湘樓飲蒼梧縹清

載筆登臨席晚移丹樓粉堞擁參差山連華嶺迴成展
郭帶湘波引作池白苧清歌翻調古蒼梧名酒醉歸遲
風流刺史同山簡騎馬南街創接羅

安刺史邀遊柳山同文李二孝廉

澗曲虛堂紫翠分坐臨山帶劇論文仙家酒饌携安上
吏隱詩書憶柳君遠甸攢峰藏楚水清池飛石墮湘雲
春遊何必邀童冠鹿豕千崖自可羣

楊德遷廣文同登翔鳳樓因憶方子及

郡門何處鳳凰棲萬室孤城望已低舊憶使君曾陌上
乍逢夫子自關西□天五嶺窺窓近出峽三江到郭齊

題字梁間生彩色驚看漲海接虹霓

吳彥卓明府邀同麻將軍廖李二廣文飲湘灘分
水處

飛鳥下鳥逐人羣酌酒晴開水上雲楚粵舟穿千石過
湘灘江向一洲分操觚詞客仍憂國緩帶將軍亦好文
卉服驚心滄海畔故園書札幾時聞

汝成王孫邀遊疊綵山晚眺遇雨

有引

崑石橫疊彩錯成文洞穿山背曠望北陸僧舍其陽
樓峙其左獨秀孤峰巍然當前彤樓畫觀燦爛其上
鶴駕飄飄引客先手携綠竹向蒼烟山南入洞過山北
寺後緣城遶寺前嵐氣近飛青浪濕石紋高疊彩霞鮮

孤峰隔雨看樓閣何異仙居海上懸

陳思進中丞邀同張太僕呂京兆呂中翰遊舜山

飲南薰亭賦

翠微昔爲翠華開彩旻今隨彩鷁來谷靜雲端停騎吹
霞流天半引仙杯韶音近逐南薰入峰勢低看北斗迴
更侍窺臨多石室秘書藏處似蘭臺

同諸府公集白參戎雅歌亭

風微旌纛戟門閒緩帶虛亭紫翠間置驛賓朋飛騎入
搜山將校射生還檐前雨氣臨池樹牆外嵐陰隔水山
爭謂折衝尊俎上勲名猶勝舊平蠻
黃明府邀同劉從事飲控粵樓

碧幔朱闌絕壁開登臨復喜接行杯晴雲西嶺神君下
明月南樓從事來孔雀林梢翻錦過蒼龍水上抱珠迴
空江入夜湍聲隱清嘯嘈然滿釣臺

游思陵山洞

范 梈

琳宇峒堯郡郭西何緣飛蓋躡丹梯風傳天籟松濤遠
烟鎖江城樹色齊一雨喜看耒耜四郊欣覩靜鯨鯢
勝游况復同顏謝好把山霧細品題

門人臨桂龍 旂校

粵西詩載卷十八

空氏入郊崇響烈青觀會然蕭險臺
開民南巒嶺車來并蚩林餘隔險
巽巽未闌絲壘開登調奠喜茲并林
雲西巖嶺昏



粵西詩載卷十九

奉直大夫前廣西桂林太平兩府通判汪森編輯

七言律

懷集花石洞

李先春

何年花石自成臺為訪仙源載酒來
壺裏有天餘日月山中無地著塵埃
松濤夜落醒龍耳梅吹秋深起鶴猜
想是巨靈曾解約四門今始為予開

四門崑

乾坤容易幾開樽駐馬乘秋叩四門
何處金蓮垂地液萬年玉柱自天根
月明似妬龍珠媚石怪猶疑虎迹蹲
笑指丹崖尋羽客逢人直欲問桃源

秋杪登達觀樓三首

樓聳千山足達觀登臨况復故人歡雲開筆架峰前色
露滴仙人掌上寒龍浦漁歌乘客動泮池烟水隔簾看
樽前醉殺懷山月莫問城頭秋欲闌

客子高攀百尺欄不堪秋色滿琅玕媿無絃管能新俗
喜有風雲足達觀望裏山河雙眼濶往來宇宙一身寬
相逢到處堪成賦老我風塵歎一官

秋入樓頭楓葉丹登高作賦幾人看思尊意味惟張翰
折屐風流誰謝安喚客南溪朝欲渡濕人北斗夜猶寒
憑闌一笑忘今古日斷江天是羽翰

倚雲樓

倚雲樓閣冠南州指顧乾坤足勝游四壁芙蓉雲外落
半簾烟水望中收瘴開已見山邀月蠻淨猶聞牧有牛
徙倚闌干聽吹笛何人解作武城秋

重陽先一日訪塔山主人不值

未到重陽訪塔山主人誰問竹誰看曇花不散諸天色
蘭若長愁一榻寒景勝每於山水得公餘寧訝帶裘寬
僧來不解游人意猶自焚香接郡官

重陽登塔山

重陽強起一登山秋色蕭條客思殷落帽風流今幾在
悲秋詞賦未堪攀愁看白鴈憑誰寄羞插黃花恐鬢斑
天地容吾朋輩在風塵猶得一開顏

秋日雨後登懷城樓
孤城睥睨倚山阿爲采民風策馬過何處人家開橘柚
夾溪漁唱雜絃歌秋霜已散山無瘴蠻雨初收海不波
欲識太平元有象登臨懷抱竟如何

遊思陵山

江萬仞

西山佳勝挹羣芳初夏登臨日正長雲掛峰腰蒸袖暗
雨迴澗口度荷香三江縹緲千村抱百雉嵯峨萬里光
爲愛公餘酬共適非關滯久薄淮陽

四門崑

林春茂

鬱鬱葱葱野氣開峻層花石擁仙臺攀躋始覺非人境
色界渾空累劫灰鐘乳低垂凝瑰玉洞門四望淨氛埃

爲憐地主多幽興潦倒寧辭酒一盃

達觀樓

層樓百尺倚蒼空筆岫登雲入眼中水接龍門雄百雉
春當燕喜集羣公交加綠竹浮烟迥綽約桃花帶雨紅
登眺不辭留夜永熙然相與醉年豐

冲天崑

懸崑百仞隱奇峰筇杖穿雲思轉濃寢石忽看驚伏虎
洞宮何事識髯龍榕盤絕壁青冥近竹遍平原翠靄重
回騎已催山色暝還期烟月坐從容

藍村居

呂文峰

到處名山不盡奇九天飛傍聽笙吹峇峩諸殿從空下

縹緲孤峰半壁垂雲壑泉清偏解暑石門芝秀可充飢
山靈原有前生約此日來遊証宿期

天門崑

石崖峭拔直千年步入層雲最上巔山啓畫景境偏勝
崑開寶殿巧通玄三千幻界空成夢百二重關第幾天
青草獨留荒徑在祇應辟穀足春眠

遊鵝翎崑

夏日登臺尋勝遊偶聞田婦荅吳謳人題往事詩猶在
石乳瓊英香欲浮半榻餘盃携客飲一盤殘局喚童收
民貧賦簡無他事時對娥英一勸酬

古謂娥英崑

遊鵝翎崑次韻

李宗節

暇日追陪陶令遊忽聞野外牧童謳石崑拾翠飛禽宿
古洞埋塵往事浮數著聲殘明月上一絃調動片雲收
祇應對飲過長夏更進村翁頻勸酬

九岐疊翠

黃時秀

次第排空列數岡天然描畫露新芒月來夜滾流珠過
花發春將異錦裝五老峰高還讓美八公山好亦增光
品題經手何如也千古新遺草木芳

宴石仙橋

此地清幽可隱淪丹心碧水鎖閑雲越王聚宴留名久
仙客乘橋勝會頻洞口謾尋當日路石頭空勒漢時文
倦游不覺金烏墜又對東臯月一輪

幕中諸公邀登逍遙樓

何喬遠

幕府簿書日夜清
壺觴賓客聚高城
參軍敢道令公喜
從事繇來有酒名
桂嶺雲開千嶂立
灘川雨過一江平
莫言傲吏堪蕭散
手版明朝有送迎

秋日湘南雜興八首

桂林秋色滿清湘
天畔登臺百粵長
南入交州多薏苡
東來海國有扶桑
雲游衡祝窺三楚
風馭羅浮限五羊
鴻鴈稻梁無信息
不知何地望江鄉

堯山舜廟鬱盤紆
丹鳥青沙事有無
斑竹暮雲誰鼓瑟
蒼梧明月有啼烏
登封自古朝炎服
下瀨何年入戰圖
今日直煩龔渤海
令人解犢勸樵蘇

高樓四望瘴烟收
鱗鱗羣山似笋抽
倒挂赤虬知石壁
疊成蒼玉見浮丘
乳床銀屋開天幻
白酒黃雞散客愁
自入始安多暑雨
最憐衰病起清秋

紀后當年奉至尊
觀津諸竇久無存
據龍有夢終成寵
飛燕何人得共恩
粵國星辰悲未極
秦陵風雨泣長門
八宗漢代推文景
千古周家遡妣嫻

靖江王子帝昆孫
灘水湘山繞殿門
秩比封桐周史禮
事殊羹頡漢皇恩
訾家洲館開茅社
顏守書堂入兔園
春省尚書期不再
桂枝何處可攀援

漢家開府有韓雍
都督山雲後再逢
鐵騎遙清蠻峒穴
銅關永閉日南封
黃茅秋瘴吹朝雨
烏鬼幽篁散暮峰

此日東夸頻寇盜斯人安得起從容
辟客遙憐李義山西崑新賦動江關宋公題壁空多感
柳子誣溪且未還官散兼無監稅局村遊時見趁虛蠻
惠州蘇軾真堪學田父藜羹共笑顏
何李文章一代雄同時又有戴郎中衣冠伏闕憐當日
服食誤生歎此公賈誼并智乾宿雨羅含宅在老秋風
古來賢達今猶爾懶慢無心問塞翁

劉懋學蒼梧郡齋得君字

哀蟬落葉總難聞失路悲歡復見君握管未忘金虎署
題詩還共鬱林雲同時諸子音書隔信宿孤城愁夢分
今夜郡齋齋裏月幾能流影伴江濱

發舟東下懋學追餞江潯因與登塔賦詩得邊字
襍被秋齋已共眠河梁追餞一淒然還登湧塔青霄外
更聽風鈴白日邊濁浪谿聲來象徼大荒海氣入龍編
明朝總作孤雲別誰復江門繫酒船

寄廣右朱用晦方伯兼懷舊蒼梧守劉懋學

詞賦何人憐楚客樞衡久矣屬卿才題詩舊省真如夢
問訊如公肯易裁獨秀城中瞻四嶽逍遙樓上望三台
蒼梧父老應相見峴首于今合有臺

一登秋日同葉以貴參知遊都嶠洞蘇濬

杖屨相將物外遊洞宮縹緲不勝秋天漿永夜涓涓急
野徑無人色色幽掃盡松苔雙鶴下飛來雞犬白雲留

行行水際長迴首四面峰光到客舟
古洞蕭疎白日陰半空人語落飛岑
千層轉壑龍宮杳一徑穿雲鳥道深
樽酒欲迷花片片羽衣空鎖露沉沉
歸舟猶夢峰頭宿把臂何時更入林

問舟泛舟遊還珠洞賦得赤水玄珠
爲愛山中積翠重故人樽酒且從容
空波不繫磯頭艇返照欲浮水面峰
漠漠玄宮窺罔象悠悠滄海探驪龍
灘江遙望滄洲邇不覺嬋娟出古松

更灘潯江舟中漫興兼懷孫使君

老去衝寒長爲客此生到處卽是家
江入斷山雙雙出雲暗孤村故故斜
原陵舉目風景異鷗鷺狎人野興賒

却憶署中開三徑何時共醉東籬花

嶺外雲飛忽復罷冬流日低一尺強
孤槎長隨天上下巨石多在水中央
貪弄漁舟來還往借問酒家醒廼狂
屈指蒼梧僅幾許遙看斜照入高陽

閱江亭落成孫使君邀同洪參戎裴都閫讌集

江千古樹荒涼甚閑翦江雲覆草亭
近水斜烟低晚照斷峰迢迢變丹青
携來桑酒春相問唱我獨醒白鶴玄
猿俱是夢坐看漁火出沙汀

送薛履章赴粵西藩幕

葉向高

黃花如綬映秋深尊酒西風起別吟
官薄且依薇作署地偏還喜桂爲林
交情中歲多萍散宦况清時只陸沉

不信衡南無雁到尺書還擬寄同心

送周丞之粵西

匹馬朝來別建章蒼梧雲盡楚天長十年宦况看如水
雙鬢春風已有霜草色全消邊地瘴松陰高散晚衙涼
公庭到日全無事獨傍琴尊醉不妨

送董海門之廣西

薊門風雨正深秋開盡黃花賦遠遊雁去長天頻騁望
雲連故國迥生愁一官猶捧蠻方檄萬里初乘潞水舟
莫向清時嗟宦跡伏波銅柱至今留

金門生計愧沉浮汝去炎方亦壯游天外寒旌看桂水
馬前荒壘卽交州帷褰赤峽晴嵐擁春到黃茅瘴霧收

不爲蠻夸勞漢吏由來名姓重遐陬

珠巖

黃文炳

靈巖迢遞枕城東下馬雲扉萬慮空草長人間新歲月
丹藏石室古崆峒千山忽過巒巴兩四座盡驚滿奮風
地僻同官皆坐嘯烟霞粗慰酒杯中

白石洞天

龍國祿

矗立雙峰勢欲騰斗杓南指白雲層幽窟宵靄穿勾漏
蹬道嵯峨掛碧藤琪樹銜花巢野鶴丹砂煉影駐山僧
放參趺坐長松下柯爛渾忘代兌興

羅叢崑月

平原突出玉芙蓉洞壑陰森薜荔封石髓貫珠池個個

崑頭線月碧溶溶憑將蠟炬探幽鹿爲道深潭有伏龍
澗底溪聲如可讀徘徊賢蹟是吾宗

南津古渡

剗木爲舟鬱水濱武陵清唱四時春朝朝負米聽雞客
處處停鞭飲馬人烟雨不辭歸路滑晚風吹徹趁墟塵
濯纓向晚孤村酒明月知誰再問津

銅鼓灘聲

噴峽轟雷破浪開觀濤疑自廣陵來微茫乍沸嵇生韻
颯沓翻驚宋玉才織女秋砧嗟遠道征人夜泊黯幽懷
滄桑起伏原非偶神物誰將見碧苔

綠珠祠

羅偉先

洛陽見說畫樓荒遺廟空存古道旁豔骨自甘酬石氏
英魂元不戀他鄉錦帷寂寞鸞聲斷華表淒清鶴夢長
誰謂紅顏多薄命古來奇節幾流芳

西山晚照

楊大節

芙蕖羅列郡城西掩映桑榆樹影低鏡裏汀洲殘照出
空中樓閣暮烟迷兩江玉浪通舟楫一派金湯息鼓鼙
山客日斜扶醉起羣兒拍手唱銅鞮

東塔廻瀾

鴈塔居然據上游凌空突兀瘴烟收瞻依青帝擎天柱
旋轉蒼龍帶月鈎力挽江河深鎖鑰氣干星象控山丘
駸駸累土成功後何事元龍百尺樓

北岸漁樵

北城天塹澆晴波試聽漁樵答問何雷澤數罟虞帝少
峽山斤斧買臣多朝朝水族供鮮饌歲歲陽侯薦古柯
繫艇息肩閑取醉坐邀江月放長歌

蓮塘夜雨

松栢池邊菡萏湖愛蓮人到此中無金房露浥連霄雨
玉葉星聯照夜珠香粉陸離沾細荇紅衣零亂蘸平蕪
曾聽幾點蓮花漏猶對華峰十丈藁

晚酌綠珠樓

譚岳

萬井氛銷炎景開納涼還上綠珠臺窮鄉不見豺狼迹
中澤無勞鴻雁哀暑到漫尋河朔侶興來須盡竹林杯

羣工最有登臨興多少風流作賦才

咫尺烟村有綠蘿綠珠家世近如何乾坤不老風流色
松栢偏留冰雪柯天畔雁鴻秋後少野籬萸菊晚來多
滔滔江水東流去遮莫令人歎逝波

水月巖虛

大荒名岫故清幽勝概都從一望收倒影碧波時淡淡
印灣涼月夜悠悠風生礪道渾無暑氣入蓬壺迥似秋
便擬凌雲棄吾土追隨驂馭問圍洲

削壁凌空四望奇一峰橫翠浸寒漪渾疑竺國三天現
絕勝瑤臺萬象垂素魄流輝時隱映亂雲藏穴轉逶迤
羊何舊好偏能賦不共流霞泛羽卮

行春綠珠村

勝日探春春事忙
翩翩遊騎繫垂楊
綠珠古渡空流水
白野人家半夕陽
十里桑麻供露冕
九岐雲氣入傳觴
重來此地多懷古
回首酣歌興欲狂

溫泉

筍乘聯鑣信所之
溫泉寧讓習家池
千山脈絡穿微溜
百折滌洄入漾陂
引目嵐烟疑列障
當筵賓從足彈詩
地靈故是多人傑
猶笑山公醉後時

綠珠祠

陳子壯

逝水徒傳金谷園
荒山誰識綠蘿村
生辭故井難銷艷
命薄高樓敢負恩
燕子頻來多戀主
杜鵑啼斷爲招魂

憑君一和懊儂曲
自有人將孤笛翻

燕崑

莫魯

步入崑虛竹逕深
樵歌驚燕度疎林
溪寒石鼎丹砂淨
洞隱禪砧碧露侵
訪迹謾追他日意
求仙應負百年心
桃源聞道迷劉阮
歸路疑從此處尋

題馬援宮

堯愷

郡城南下伏波營
漢將奇勲不朽名
銅柱界中蠻瘴掃
石壇天外晚霞明
旌旗絕影月留白
戎馬無聲草自青
夜半忽聞風雨作
儼然遺令在邊庭

幽洞石鐘

勝境深長四壁空
遊人爭羨小崆峒
鐘聲上接烟霞近

月影斜穿道路通靈谷肯隨猿鶴變仙源不與世情同
夜來暫借西崑宿遠放神光射斗紅

白州弔古

雙角山前路轉危停鞭遙問採樵兒石家金谷知安在
梁女明珠竟可悲野水荒村無客到清風高節有人思
我來弔古空惆悵獨立西崑盼落暉

題綠珠渡

何挺之

綠珠今去幾千載此地猶存井渡名不是紅顏偏薄福
祇緣白璧解藏兵落花難鑄長生蒂啼鳥空悲短命聲
杳杳香魂無覓處夕陽回首萬山青

蛇岡挹翠

謝嵩

諸峰雲擁自飛來天造龔城列障開黛色四時含獨秀
洪崖千古壯三台曾瞻鳳彩翔高漢何論蛇黃產異材
暫借闕疆爲地主品題勝概入新裁

黃子吉詔起西粵左轄過訪小園索詩爲別因賦

以壯其行

張萱

捫蝨深談夜色闌巴川粵海未安瀾老臣臥穩東山枕
聖主恩深北闕環豈爲屏藩銅柱界請看京觀點蒼山
子吉平滇苗功最大亦最奇九重宵旰君應念何日昇平慰聖顏

出守慶遠別同署

岳和聲

時富平孫太宰修家孟十七年前疏糾乙未外察之
隙爰及同被一麾瘴鄉

三入容臺十二年相看不改舊青氊一麾春遠香蘭署
萬里秋開瘴雨天醫國謾言勞肘後程材真是媿靴前
出門馬骨猶如昨相送官槐樹樹鮮

送岳石梁省丈一麾慶遠

賈之鳳

仙郎何事厭承明萬里宜州擁去旌蘭省香霏三月雨
胥江帆帶九溪聲當年起草時名忌今日褰帷報主情
無那故人驚判袂酒闌別館聽鶯鳴

岳石梁儀部之粵次來韻錄贈

劉國縉

霜榦亭亭耐歲寒幾人起就月中看秦文羅織誰能白
岳氏心肝自合丹我去無生惟問酒君行有路且彈冠
昌黎未道潮陽遠猶恐君恩報塞難

送岳爾律儀部出守慶遠

米雲卿

桂林山勢可連吳百越天遙皎月孤宗伯南宮司禮樂
使君西徼盡輿圖知名聖世遭逢異論地人心感慨無
莫學仲尼憂道否便言東海好乘桴

金章初下若爲頒五馬雙旌鎮百蠻楊柳曲中斟別酒
梅花香裏出鄉關絃歌旁化交州俗篇什全收粵地山
計日循良應召對朝廷重喜禮臣還

岳爾律以容臺積俸六年出守慶遠錄送四律

李應徵

一麾豈是厭承明帝謂遐荒亦股肱路入蠻烟凌八桂
心依庭樹夢三荆儘教北闕浮雲幻從此南天瘴癘清

萬里層霄元自近春風隨處傍君行
褰帷遙指九疑青去國憂心尚未醒出牧豈真同逐客
綏氓猶自借文星鴈當斷處開衡岳春漸深時過洞庭
太守風流千古在雲山韶濩正堪聽
烟嵐釀雨五溪深洞壑幽遐豈易尋天外空青隨去馬
雲間翡翠有來禽參軍趨府多蠻語兄弟思君正越吟
伐木也知同夢草嚶鳴何地不春林
東風乍拂柳條舒春水春帆別恨初縱是瘴鄉無塞鴈
莫教江路斷河魚熱雲漫墜含沙後夜月猶懸視草餘
容易賜環明主事羨君偏擁百城書

爾律先生之官粵西奉送三律

沈德符

廿載清曹剖郡符傳聞粵嶠太崎嶇已知毒霧終朝有
較似浮雲蔽日無蠻戶馬人謠宦蹟蛇羹鷓醬餉官厨
灑江定有追鋒名不擬浮湘憶左徒

蛾眉漢輦幾人同外補真緣妬入官久矣文章能作□
□聞羅織近成風賦狙已笑時人拙談虎翻疑世局工
水意山情饒部內未甘五馬換三公

朱方自昔寓名賢驛路寧辭路八千朝事玄黃龍戰野
炎邦青白瘴連天風騷盛播銅標外光怪都收海市邊
臺閣異時論勝概畫屏追指應山川

送岳老師出守慶郡

駱雲程

鸞驂西指入衡雲刺郡重看咏五君巧嫉娥眉當蠹射

難馴龍性在雞羣鐵城政就春應滿銅柱威先瘴欲分
好壓荔漿千石酒登高一誦响嘍文

隱山

曾佐

秋空萬里瘴全消郭外藍輿興轉饒六洞恍如三島洞
雙橋元是百花橋山光返照依天柱野籟橫吹應玉簫
白鹿仙人曾約我公餘最好避煩囂

送楊義叔憲副之左江

區大相

三年暫返滇池節萬里仍揚桂水旌漢使由來多象郡
越江何處似羊城寨帷未厭關山遠開府能令瘴癘清
正喜遐方無戰伐不勞溪笛怨南征

雲南憲副廣右皆越地也

公初令東莞由御史僉憲浙江參議

夏日錢直指招飲白龍洞晚過劉仙崑

楊芳

暫解塵紛出隴頭主人爲卜洞天幽雲浮遠水光初合
雨過空山暑乍收澗底龍涎疑尚在崑前仙迹信還留
停杯往復談今古不謂寰中有此丘

予鉤校至潯時已近午節署階前列菊二盆開花

甚盛詢之云郝學博齋頭數十盆獨此二盆忽花

非常種也異之爲賦一詩

魏濬

五月能開九月花最憐炎日有寒葩閒看籬櫳休爭麗
靜伴畦蘭併茁芽傍節未須愁乏酒落英還取弔懷沙
從來仙種多靈幻不與人間管歲華

余初行部自梧之邕道橫永間墟皆無草舍值
雨就雨中貿易蓋所創見因作詩

箬籃雙放壘頭安却坐林邊解竹簟櫻葉結衣宜避濕
青紗裹額不憂寒萋根對語時還嚼車騎來過亦聚觀
此去茅村應未遠滿蹊溜勒翠團團

迂迴崑逕轉嵯峨笑問蠻家第幾窠入市每衣芒木布
出門時唱浪花歌峒丁慣箬殲狐矢種女能拋織貝梭
墟散盡投歸路去斷烟半隴冒荒蘿

寄粵西楊濟寰中丞四首

何白

象郡龍城漲海遙中丞羽燾切雲霄已看卉服來槃瓠
載見朱干格有苗雨合灘江兵乍洗風生桂嶺瘴初消

只今麟閣論功日鵠印駢弓出漢朝

蒼梧南去嶺雲低萬騎天開甲帳齊楊僕樓船炎海外
伏波銅柱夜郎西材官一半分朱雀甲士三千環水犀
不用記曹煩阮瑀捷書立馬待親題

益部家聲起譽髦關西夫子舊人豪洪源地挾巴江動
井絡天垂玉壘高法契孫吳參變化賦含揚馬合風騷
桂林洞壑饒靈閔緩帶時堪命紫毫

夕郎諫草動明光還憶提兵領晉陽折柳行歌飲馬窟
采薇載賦跼鳶鄉筇枝菊醬通蠻徼翠羽明珠貢越裳
勛業未須輕陸賈猶堪舌下粵南王

送蕭玄圃宮贊還嶺西

郭正域

鶴禁譚經共四年不堪歸興各幡然君從百粵明仙棹
我向三湘問釣船世故紛紛真野馬海邊消息正烽烟
還家若話中朝事莫忘東華五鼓天

送蘇子仁守南寧

潘益之

才人今復作循良聖主分符澤未央邊塞陸梁秦象郡
輿圖文物漢炎荒本因前席奇蘇綽自是中原急范滂
經制知君勲業起不須回首白龍塘

送劉司理平樂

湯顯祖

四百灘瀧萬里遙莫雲官興遠蕭蕭靈蛇入饌看成怯
翠鳥吟笙久自調過雨竹衫高白皦終風草閣亞紅蕉
休驚少婦啼珠盡留與猩猩血比嬌

牛首飲林尉平將出守南寧卽贈

寺湧烟花滿石梯還留春閨與攀携端居玄武湖心北
出守蒼梧雲氣西月上芳林人去遠霧迷銅柱鳥飛低
心悲道暘南行日江嶠籠晴挂飲霓

送岳石梁之任西粵

汝兄顏髮舊蕭然十五從君計吏年世事始知棋局淺
悲歌全賴唾壺堅春光老去碧湘盡瘴雨青來寒燒連
欲向蒼梧同謁帝一時魂夢九疑烟

夜半傳杯玉茗堂一麾千里寄宜陽登朝積歲遊何薄
失路逢知語自長客興漫隨春草綠臣心真與帝梧蒼
何如獨宿天台上風雨莓苔看石梁

西川學使郭參知棊調西粵

自起移官向越賓一時清論滿朝紳新參古色歸懸鏡
舊士高談憶角巾蒼野獨行雲氣曉桂林閒望洛容春
鬱金美酒須饒作何但風烟老却人

贈邊少微郡守擢廣西憲伯

王應鐘

泉臺新命下周京萬里山川引憲旌翡翠聲中經粵嶠
桄榔葉外見軍城霜橫象郡三苗靜月照龍編八桂清
一臥文園勞記念心隨飛蓋獨含情

義姑恩榮爲廣西張納齋題

汗簡曾傳魯義姑桂林名淑事相符矢心不字高門匹
弔影相存一線孤當日絲綸頒秘閣祗今閱閱冠名區

千秋女德誰堪並多媿鬚眉是丈夫

讀龍隱崑黨籍感賦一律

羅作

元祐由來三百秋黨人姓氏此間留中衰宋室匡攸定
貝錦讒言譖不休崑石堅剛勝竹帛薜蘿掩覆若金甌
賢良自是流芳遠追貶徒勞奸佞謀

夏日登思陵山避暑

黃之良

西山爽氣石林開逸興難孤載酒來江曲鳳巢雄百粵
山幽龍隱稱蓬萊青雲流影奔看駟踈雨披懷怒聽雷
蘿薜欲迷歸路晚憑高懸想大夫才

遊南山

周邦瑞

南極星槎一洞天層高石磴掛蘿烟虎龍泉溜金成佛

龜鳥砂飛石作仙空宇伏游千蝠翼虛軒寂聽九蟾口
宋封景祐增靈氣御翰流傳壽萬年

九日陪大參曾公讌城北譙樓

陳熙韶

獵獵金風動角聲晚隨旌節眺山城憑欄敢作登高賦
入座偏多落帽情鎖鑰北門秋氣肅旬宣南國繡江清
側身丹徼邊塵滿喜有尊前范老兵

區几蘧明府招游都嶠

諸峰雲磴倚層霄杖履過從遠俗囂丹鼎未須求葛令
青尊今已對王喬西臨匹練三江渺北枕重關五嶺遙
咫尺風霆猶在御與君還訪赤城標

閩石鐘英

潯州

譚珪

羣峰突起翠峒堯高插青雲若兔毫地脈養成龍虎氣
坤靈鍾出鳳凰毛百年文運輝東壁一代英華壓俊髦
自古名賢生不偶玉堂青史姓名高

燕石巢雲

亭亭怪石俯江干歲歲來巢燕子閒嘴掠花泥桃浪煖
翎梳江雨蓼花寒只尋舊壘迷荒徑慣引新雛出石蠻
世變却羞王謝宅故依中砥障迴瀾

送蔣護軍赴嶺北

劉鳳

樓船初領下江兵作鼓秋陰嶺介生古戍烟藏邊月小
長川雲壓罕車輕晨朝吏士傳開壁夕引談游恣獵纓
百粵祗今塵廟略莫教橫海獨垂名

朱方萬里粵峰青鳥道天旋殼騎輕飲羽沙中雲共落
淬輪原上草猶腥誰從鑿空陳兵勢獨按奇眩制地形
總使梯航來款塞無忘薄伐罷犁庭

水井寺次韻

陳鑑

勝地逢人自勝遊不須瀛海日三丘宛延旌旆雲間度
綺疊烟花檻外收抗疏欲焚田錫草敲詩更上仲宣樓
臨風多少歌休助霖雨還期傅作舟
播穀催耕海燕忙瘴天氣色久溫涼惠文春藹噓寒谷
香積筵開薦玉漿悟澈虛空纔破幻遊忘內外始通方
冷然玄度饒清興解道堯夫未老狂

溫泉

秦之瓊

覓穴尋崑慣所之源泉幾見熱流池飲湯冬日何須火
沸酒冰天誌此陂滴瀝清泉流舊澗眺登詞客賦新詩
恨移不入繁華地引動名賢十二時

都嶠山

楊際會

玉削羣峰聳四圍上方金碧盡含輝忽聞佛號依雲度
恍見天花帶雨飛最是烟霞堪著屐不禁風木易沾衣
也知世路猶多絆敢謂從今便息機

海上傳聞員嶠島此山應是幻形來丹爐日就千年藥
金界曾飛幾劫灰南洞斷碑堙舊篆北壇荒逕長新苔
白雲縹緲生風籟疑有仙人駕鶴迴

游勾漏洞四首

任淑

昔日人休勾漏山我來勾漏學偷閒崑雲出峪來相迓
墅水盈川何獨慳天上二丸拋客歲域中五鼠耗塵寰
幾時的與仙翁約煮汞煎鉛煉大還

日日怱怱盡在公公餘乞假訪仙翁山開丹竈烟常繞
洞達清都路可通牧石成羊儼有像呼龐化鶴渺歸空
玄壇舊令今何適潭月澄澄水發洪

山骨嶙峋直透巔脚跟一竅更玄玄翁來靈洞求非令
洞隱仙翁別是天山澤通而藥物備風雷薄矣火功全
丹砂可借消饑渴細嚼當年內外篇

風塵傲吏幾來過欲往從之在此阿俗態不堪頭面改
宦情其奈鬢鬚何白雲尚覺煩青障朱履應知礙綠蘿

拜首真人求秘寶不勝簫鼓僕夫多

將室朝烟

李宗仁

知機因爾早投戈萬里封侯只恐訛破鹵不須誇李廣
薦賢惟見有常何曉壇霧靄江山潤教國風清景物和
但得桑榆收晚景何愁世道日江河

遊都嶠洞

楊際熙

指點名山望裏賒登臨此日興無涯林端石徑雲隨陟
空外曇花象不遮僻境偏多穿蔦蔓閑身能足臥烟霞
依違恍若塵心洗好向醫王問法華

都嶠山

凌景陽

山名都嶠宅神仙萬丈空崑有洞天象教數尊存白佛

山源一脈引清泉鶴來雲蓋疑疑雪僧去香爐尚帶烟
舉目九霄雲路近昇騰還咏紫芝篇

遊花石洞宿華光寺

張文耀

誰關招提切上方玲瓏崑壑隱空王壇前水月光明相
座外雲烟妙法香入夜松聲清旅夢傍檐花影上禪牀
無涯苦海應消盡莫訝逃名意轉長

遊諸崑

入雲雙嶺萬峰低怪底標名五岳齊縹緲天門飛素練
參差石磴引丹梯將無大藥行堪采似有羣仙望不迷
方外未須凌弱水風塵此地足幽棲

夏日遊水井寺

吳光龍

灘湘分折大江隈古寺深藏小徑迴白馬經函開石室
黃梅雨過遍蒼苔香供瓶水冰凝甃錫卓雲林玉作臺
却証前因身是佛還從摩詰問如來

題白馬崑

吳紹經

冉冉烟霞地敞靈雲門石竇透陽明鼎湖騰向龍馴毒
華表飛來鶴姓丁歲久苔痕添古篆谷空傳响影黃庭
留題姓字知王績今古尋芳一勒名

塔山寺

謝君惠

上方淨界漫登臨鍾梵臨風隔竹陰日漾霞光金粟影
峰含雨色海潮音香城祇樹銷塵劫化塔天花證息心
僧是了元龍象侶還爲留帶鎮雙林

遊冲天巖

危巖古洞靜虛天鳥道盤紆到絕顛路插重雲半險阻
泉鳴暗壁自潺湲怪猿啼遍無窮境神鶴飛來不記年
呼吸有人通帝座徘徊身傍斗牛邊

嘉魚古井

潯州

李知微

玉澗城西隱翠微深涵宇宙澆連漪南洲蛟室燈光近
東海蜃樓夜影隨陰透嘉鱗來丙穴春回巨鬣上天池
于今得志遨遊日莫笑蛙潛井底時

東嶠化人

當年羽化上蓬瀛遺世空留身後名隻影日隨知磬刻
孤根時潤識陰晴不同神女行雲雨祇與嫦娥結歲盟

試看東山明月夜瘦容長短共敲傾

神機潮水

一泓泉水蟄馮夸感應靈通妙莫窺消長徧時常出沒
屈伸還共月盈虧蟠旋地脈看無迹幹運天功信有期
每歲爲民驅旱魃剗牛燒紙拜江滄

政績名泉

碧甕深涵海眼通一泓澄徹漫晴空照人清鑑如泉潔
濟世恩波似海弘千載甘棠思召父萬年禮樂慕周公
烹調此日回饑渴爲感民間仰德風

紫水霧源

地脈流霞世不常幾回湧出協和祥殷紅色膩臙脂重

輕艷香飄羅帶長已兆雲衢多俊彥復昭花縣有循良
時人不信觀河洛清應文明世運昌

南山石佛

洞宇南關紫水邊石鰲駕海擁金仙枯形立化依丹室
跣足乘雲踏白蓮法鉢不傳身後事慈燈常照鷲峰前
自從開闢來禪定不管人間幾萬年

星墜金牛

天星飛彩墜塵寰化作金牛壯北山瘦骨長眠春草綠
焦皮恒帶火痕斑不同蠢類居人世祇與吾民濟歲艱
旱澇有求須有應至今廟食在民間

孝思甘露

四松手植已成林車蓋幢幡傍午陰鮮泥瓊漿呈漢蜜
暗和天酒表隋醴枝頭湛湛光垂玉墓畔灩灩色化金
借問彼蒼焉得動祗緣杳慰孝親心

送詹東圖別駕之任昭州

汪元英

粵西西去駕朱轅半刺新承簡擢恩宦路驥淹才久屈
藝林鸞峙望逾尊天迴桂嶺消烟瘴秋入灕江滿月痕
南首蒼梧應只尺排雲直欲叫重闈

王程不畏觸炎沙佩有虔刀勝莫耶雨澤卽將蘇百粵
風流早爲振三巴行詢方俗占雞骨坐閱輿圖制犬牙
司馬由來工作賦綵毫新艸鬪瑤華

石掩仙崑

鍾珍

一從仙子赴陽臺靈迹丘墟盡綠苔藥竈火寒千古在
崑門石掩幾時開黃庭匣鎖雲常護瑤草春香鶴未回
却笑當年方外士數年海上有蓬萊

題白馬崑

龐思

青山鶴唳紫芝香白馬禪宮石竇涼臺殿半荒閒白晝
崑扉斜掩對滄浪玉英潤滴凝雲磴丹粉年深染石牀
天地夤然生此界神仙踪迹幾星霜

游鐵城

莫相

天外孤城紫翠間紛紛冠蓋共躋攀千年遺迹憑誰問
百歲浮生此日閑興到那辭詩句拙豪來翻笑化工慳
勝游恐負雙蓬鬢也插崑花一朶還

張義姑

凌必正

從來偉節立孤難閨閣程嬰智力殫甘謝桃夭百歲好
苦扶棠棣一枝殘母慈父教皆姑任祖德孫謀藉女完
慶衍宮花幾半壁問誰風雨護巢安

九日湘寺登高

舒弘志

何處開尊四望賒翠微深處老僧家九疑如黛凝秋色
八桂飄香襯晚霞雁陣恰排天上字菊香初獻佛前花
百年幾遂登臨興醉把茱萸憶孟嘉

送茂承藩端之粵西

焦炫

幾年簪筆漢京秋八桂翻爲汗漫遊豈謂鶯花多異候
絕憐山水勝中州薇堂載酒榕陰合風洞吟詩片月流

應似昔人成二始還都芳詠至今留

湘山小館卽事

曹學程

漫向東林借一枝無邊光景坐來移風清桂苑黃金樹
霧冷蓮房白玉池十地松雲堪入賦五天花雨恰催詩
同人永日清歡洽還愛虛窓月上時

送方定之憲副督學廣西二首

汪淮

文章魏闕久知名四牡駢駢欲抗旌南國衣冠思結襪
西方人士待持衡龍門灘上雲雷動天柱峰頭星斗明
去去關河休憚遠馬融絳帳有門生

聞道逍遙百尺樓西南十二攬名州高臨雍楚山平出
雄壓湘灘江倒流捲幔論文虹氣現凭欄望闕斗光浮

桂林夜月如相憶白石清溪一釣舟

題鐵樓

雄樓百尺鎮蒼梧周覽山光忽有無龍水一天涵秀色
鬱林千載擁真圖閒居長自同仙侶作賦還誰稱大夫
借問樓中餘鐵筴幾時吹徹月輪孤

石頭城送克政家兄西粵携室

程可中

燭跋頻藏酒盞乾江城梅雨對宵殘桂花飄馥生秋瘴
荔子流甘沁夏寒天遠故園飛鳥少時危小吏見才難
幕中妻子歸應急怕作流離道路看

蒼梧道中攬鏡獨歎蓋余風塵荏苒一十五載矣

王士性

曾無大藥駐朱顏
華髮星星鏡裏還
修竹拂痕悲玉輦
西風捲穽下烏蠻
三湘水遶龍蛇窟
五嶺塵迷虎豹關
萬里勞生猶未厭
遙從馬首覓青山

登來薰樓

張元芳

共倚高樓望大荒
江城草樹鬱蒼蒼
雲連白石應飛雪
日射丹楓幾著霜
燒野漢夸成故習
阜財今古誦彝章
聖人乍起綏中國
嶺海波澄幸不揚

冬日邀米彥伯胡仁甫趙光掄滕伯倫張錫仲遊

西山六洞

舊有千
山觀

曹學佺

昔年崑下卽湖光
此日收成見滌場
觀倚千山朝羽節
人穿六洞濕霓裳
石窓細竹搖清影
潭壑佳蓮發異香

誰負明時招隱客
依然龍臥在高岡

送人之蒼梧

徐 勳

一身南去入蒼梧
聽得蠻音處處殊
翡翠曉寒巢灌木
蚺蛇春暖晒平蕪
古祠舊淚枯斑竹
廢井香魂怨綠珠
四月火山丹荔熟
輕紅能似故園無

送凌元孚司馬擢粵西太平郡守

廉范歌聲滿歙溪
雙旌遙向桂林西
虎符雄握諸蠻化
熊軾高憑五馬嘶
兵邏峒酋防夜警
刀耕山壠勸春犁
黃堂吏散刑書簡
月照桄榔翠羽啼

節鉞西行象郡賒
褰帷閒看刺桐花
匏笙吹月春驅騎
銅鼓闐雲早放衙
地過鬱林裝怪石
洞經勾漏覓丹砂

朱輪奕世承恩寵不忝當年萬石家

送陳軒伯之粵西

漂零千里去何之路遠還家未有期雲黯蒼梧孤客館
雨昏斑竹二妃祠春深草密蟒蛇伏日午嵐消蛤蚧悲
勾漏仙蹤知尚在丹砂慎莫寄來遲

送趙淇竹都閩擢粵西參將

西拂旌霓桂嶺寒轅門號令肅材官秋搥銅鼓擒蠻壘
夜枕金戈臥將壇緩帶輕裘荒外去陰符黃石帳中看
折衝尊俎推年少不比征南老據鞍

送黃與東之任南寧司理

伍瑞隆

卽看真氣又臨關六傳風雲不可攀積瘴望中銅柱日

亂峰明處朗寧山相才豈穎能淹驥蛇笏推寧自一班
遲過崑崙重懷古知君坡上望仙還

周仲先之粵西參藩相送前路賦詩爲別凡得四

首

張燮

寸心報國未曾移澹蕩隨緣任所之久謝三秦拚繡斧
新從百粵控朱旗名流碩果輿還得藻苑芳蕤佩自披
寄語朝簪憑解妬漢宮應已憶娥眉

一時大雅盡扶輪照乘珠明擅國珍嶺外河山翻勝事
眼前方岳有詞人建牙儀自同開府問俗游仍是採真
唐帝祠邊多待澤仗君慰此一方民

負矢郊原吏莫尋平明曉發口峰陰向來白簡風霜肅

今去蒼生雨露深玉作壺時芝署石金飄粟處桂名林
黑頭公望還須拜攬鏡鬢髮不受侵
里門伐木慣丁丁臨水穿山却送行爲趁蟠雲龍尾隔
偏因並轡馬蹄輕疎林樹色盤秋老古驛禽言報晚晴
前路茫茫分去住且將尊酒敘平生

送王郡幕之廣右

黃惟楫

弓裘羨爾業能存江左衣冠幾葉孫此日姓名連畫省
他年聲價起朱幡炎方織杼皆民力蠻府參軍亦主恩
行矣風塵莫辭遠驅車九折見王尊

送葉校官擢判梧州

鳴騶慷慨賦河梁佩有虔刀氣自揚疋驥旋當舒健足

三魚曾報集華堂薰風樵李吹征旆雲影蒼梧迓去檣
佐牧知君才不忝定將文教變遐荒

送王夢叟從張揚伯之官粵西

范鳳翼

爲愛奇探百粵遙炎天同上使臣輶僮夸賣劍宵畊隴
洞女裁藤旦織綃猿狖啼愁蠻雨暗檳榔入市瘴烟銷
名花語鳥堪遙集好寄南珠慰寂寥

張揚伯之任粵西途中以詩見寄聞諸夸蠡動次
韻荅之

莫妒家山占白狼時情勘破且徜徉夢中蝴蝶亦何幻
壺裏光陰如許長西顧愁他猶跋扈南圖快爾正飛揚
晝遊何日重相訪元琰蔬畦一逕荒

江上送張揚伯憲副繇楚之粵西任

阮大鍼

槎邊楓色映江臯酌酒爲酬魂夢勞素影杯流天柱月
秋聲句挾廣陵濤仙樓舊蹟能招鶴猿峒新傳欲旅葵
枝戟百蠻羅拜畢憑君痛飲讀離騷

清秋驛路繞瀟湘畫隼遙迎嶺桂香鄂渚尚傳棠滿樹
庾樓莫負月盈牀雞林賈識詞人墨象郡氛銷法吏霜
聞說柳漿堪釀酒可分升榼到江鄉

寄訊張揚伯憲副粵西

霜落灘江水更清烟林幾曲度鴻聲閒招蠻長詢風俗
遍鑿星嶠注姓名虎落燈深聞夜織蠻人魚罷理刀耕

伏波銅柱今荒艸扼塞須君五字城

送嘉定楊主簿陞廣西府經歷

張名由

祖帳驪歌花滿城翛然書劔去舟輕三湘烟水千嶺雨
五管雲山萬里程最喜啼鶯榕樹古還憐棲鳳枳枝清
此中民隱難能悉借寇無由淚暗傾

蔣孺人貞節詩

蘇靖州妻

李盤

官人戰歿又無孤涕淚嗟同萬骨枯老去鸞光秋入閣
愁餘鶴淚冷啼梧釵荆長掩青廬色庭樹空聞高蓋呼
二百年來稱刺史忠貞雙照粵西隅

送吳巒穉司理桂林

陳子龍

翡翠巢邊匹馬過千盤桂嶺鬱嵯峨南浮灘水啼猿滿

北望君山落鴈多，蠻府官閒能作賦。
漢廷恩近憶鳴珂，愁心獨繫張平子。
欲寄琅玕奈遠何。

送何白石之粵西始安桂平諸郡訪友

顧德基

翼軫星遙度粵關，雁飛只到半途間。
灘江源遠稀雙鯉，桂嶺嵐開俯百蠻。
去定諸侯徵綵筆，歸將奇貨買名山。
知君要學輕身術，試載文淵薏苡還。

戒途莫畏履巖霜，臘月炎州正葛裳。
驛路草青延壽果，山村樹暗救軍糧。
布帆桂水連湘水，馬足衡陽上揭陽。
酒伴無時忘陸賈，望歸還醉橐中裝。

三江鎮

董應揚

迢遞三江水聚頭，獨開雄鎮擁貔貅。
城圍睥睨傍通徑，府構鬼峨坐運籌。
文武更番憑要害，歲時無刻不綢繆。
如何烽靖人蹤寂，蛛網高牙草滿樓。

鳳巢山

相傳威鳳巢山垓，巢山掘得瑯玕回。
靈鳥不知何地伏，奇珍應足待時開。
干旄偶遇探陳跡，歲月多驚總劫灰。
共道舜文今在御，九苞六象盼重來。

胡天星邀余作白妾魚膾

鄺露

獨尋芳草過王孫，爲膾銀絲出露盆。
湯熅玉環妃子淚，樓殘金谷綠珠魂。
凌波豈復觀微步，齒劍終然合報恩。
誰識蒯緱歸思苦，不堪彈鋏向朱門。

粵西詩載卷十九

門人平湖許之芬校

粵西詩載卷二十

奉直大夫前廣西桂林太平兩府通判汪森編輯

五言排律

下桂江龍目灘

唐宋之問

停午出灘險輕舟容易前峰攢入雲樹崖噴落江泉巨
石潛山怪深篁隱洞仙鳥遊溪寂寂猿嘯嶺娟娟揮袂
日凡幾我行途已千曠投蒼梧郡愁枕白雲眠

發藤州

朝夕苦遄征孤魂常自驚泛舟依島泊投館聽猿鳴石
髮緣溪蔓林衣拂地輕雲峰刻不似苔壁畫難成露挹
千花氣泉和萬籟聲攀幽紅處歇躋險綠中行戀結芝

蘭砌悲纏松柏塋丹心江北死白髮嶺南生魑魅天邊
國窮愁海外情勞歌意無限冷月爲誰明

軍師凱旋自邕州順流舟中

李嶠

鳴鞞入嶂口汎舸歷川滑尚想江陵陣猶疑下瀨師岸
迴帆影疾風逆鼓聲遲萍葉沾蘭槳林花拂桂旗弓鳴
蒼隼落劒動白猿悲芳樹吟羗管幽篁入楚詞全軍多
勝策無戰在明時寄謝山東妙長纓徒自欺

送蘇四郎僊兵曹適桂州

杜甫

飄飄蘇氏子六印佩何遲早作諸侯客兼工古體詩爾
賢埋照久余病長年悲盧縮須征日樓蘭要斬時春陽
初盛動王化久磷緇爲入蒼梧廟看雲哭九疑

贈元容州

劉長卿

擁旌臨合浦上印臥長沙海徼長無戍湘山獨種畚政
傳通歲貢才惜過年華萬里依孤劒千峰寄一家累徵
期旦暮未起戀烟霞避世歌芝草休官醉菊花舊遊如
夢裏此別是天涯何事滄波上漂漂逐海槎

送張中丞之桂林

錢起

出守救民瘼推賢動聖情紫臺初下詔皂蓋始專城寵
借飛霜簡威加却月營雲衢降五馬桂水引雙旌夙仰
敦詩禮嘗聞偃甲兵戍樓雲外靜訟閣竹間清化佇還
珠美心將片玉貞寇恂朝望重計日謁承明

逢南中使寄嶺外故人

盧綸

見說南來處蒼梧接桂林過秋天更暖邊海日長陰巴
路緣雲出蠻鄉入洞深信回人自老夢到月應沉碧水
通春色青山寄遠心炎方難久客爲爾一沾襟

上桂州李大夫

戎昱

今日辭門館情將衆別殊感深翻有淚仁過曲憐愚晚
鏡傷秋鬢晴寒切病軀州霞萬里濶宇宙一身迂倚馬
才寧有登龍意豈無唯於方寸內暗貯報恩珠

自桂林奉使江陵途中感懷寄獻尚書

李商隱

下客依蓮幕明公念竹林

白注公與江陵相國韶敘叔姪

縱然膺使命

何以奉徽音投刺雖傷晚酬恩豈在今迎來新瑣闥從

到碧瑤岑水勢初如海天文始識參固慙非賈誼唯恐
後陳琳前席驚虛辱華樽許細斟尚憐秦痔苦不遣楚
醪沉旣載從戎筆仍披選勝襟瀧通伏波柱簾對有虞
琴宅與嚴城接門藏別岫深閣涼松冉冉堂靜桂森森
社內容周續鄉中保展禽白衣居士訪烏帽逸人尋佞
佛將成縛航書或類淫長懷五穀贖終著九州箴良訊
封鴛綺餘光借玳簪張衡愁浩浩沈約瘦愔愔蘆白疑
粘鬢楓丹欲照心歸期無雁報旅抱有猿侵短日安能
駐低雲只有陰亂鴉衝暎網寒女簇遙碁東道違寧久
西園望不禁江生魂黯黯泉客淚泫泫逸翰應藏法高
辭肯浪吟數須傳庾翼莫獨與盧諶假寐憑書篋哀吟

叩劍鐔未嘗貪偃息那復議登臨彼美迴清鏡其誰受
曲針人皆向燕路無乃費黃金

湘川弔舜

馬戴

伊予生好古弔舜蒼梧間白日坐將沒遊波凝不還九
疑雲動影曠野竹成斑鴈集蒹葭渚猿啼霧露山南風
吹早恨瑤瑟怨長閑元化誰能問天門恨久關

送曹鄴吏部歸桂林

鄭谷

高名向已求古韻古無儔風月拋蘭省江山復桂州賢
人知止足晚歲便歸休雲鶴深相待公卿不久留滿朝
張祖席半路上仙舟篋重藏吳畫茶新換越甌郡迎紅
燭宴寺宿翠嵐樓觸目成幽興全家是勝游篷聲漁叟

雨葦色鷺鷥秋久別郊園改將歸巷里修桑麻勝祿食
節序免鄉愁陽朔花盈棹崇賢葉滿溝席春歡促膝簷
日暖梳頭道暢應爲蝶時來必問牛終朝滄庶品味爽
漱寒流議在歸羣望情能戀自由小生誠淺拙早歲便
依投夏課每垂獎雪天常見憂遠招陪宿直首薦向公
侯攀送偏揮洒龍鍾志未酬

秘閣王校理知柳州

宋楊億

南越尉陀國羅池子厚神桂林驅傳遠芸閣解嘲頻行
橐黃金滿歸程皂蓋新一麾愁度嶺五綵喜寧親薏苡
偏防疾蒲蘆善化人蓬山直廬在几硯日生塵

送李著作知柳州

李覲

到官十五月大半在他邦
惠術未施一公心無與雙
剖符新使粵盡室始浮江
地理將分嶺行程卽下瀧
旅愁侵酒座秋色漏船窓
屬吏誰非懼羣蠻不易降
人稀財豈厚俗異性多憊
自此觀賢業洪鍾且試撞

膏澤峰

陶弼

石壁含天澤南山第一重
旱時先出雨陰穴必藏龍
雲影搖諸壑雷聲起半空
滲成泉脉大滴出土膏濃
溝洫施仁澤民誰帶戚容
何當大滂沛盡活四方農

華景洞

呂愿中

斯洞名華景纍纍乳石懸
虛崖疑月窟絕頂瞰江湍
巖底金仙寺峰頭玉井蓮
地形居衆外氣象偉無前
徙杖觀初月歸輿觸暝烟
蔽林排翠幄封徑簇花鈿
爽致資清賞鐫題記昔年
猿啼聲應谷雲破月侵筵
策蹇追華駟鳴鶻指墮鳶
誰人能畫此爲倩老龍眠

礧巖一首

孫覲

日上千峰亂風涵萬壑秋
兩崖拆天罅一水漲巖幽
絕岸飛橋過尋源秉炬遊
倚空翹翠葆漱石走蒼蚪
老樹攬天立犇雲接地流
壯懷開浩蕩病骨聳颯颯
皓首殊方去清樽盡日留
無人與說似勝事滿南州

仙李洞

劉牧

諫紙空箱後高牙拂斷霓
還符翠州夢來見石門題
架竹生新逕誅茆得舊蹊
陰崖走別洞陽嶺帶回溪
吟桂

人非隱逢花客自迷虛中曾納受絕壁阻攀躋地遠饒
征戍君來息鼓鼙吏閑眠鹿鹿民樂戲鳧鷖勝事時相
遇芳樽手屢携清風與詩句留與昔賢齊

游南山

元俞 括

二十四峰尖參差列郡南半空摩梵宇絕頂寄龕峭
壁編危棧平田聳碧簷巖呈星斗七石湧佛身三人透
龍門上書疑禹穴探銀鈎千軸麗鐘乳百年甘木杪浮
朱閣烟開露草菴仰頭瞻抱朴側足禮瞿曇洞潔無飛
鼠泉深貯嫩藍夕陽歸北郭回首白雲慙

贈臧魯山廉訪

王士熙

肅政光華遠清臺啓擬公節移梅嶺北軺發桂江東楮

帳飾寒月柳杯鼓朔風瘦童空挾杖貧馬不裝狨微俗
三年問威名百郡雄星芒誰鎬洛雪色照賓融敷教有
虞廟講經夫子宫端嚴鉏獍戾易直牖倥侗吏猾加笞
竹官貪解印銅窵銷千褐父恩淡萬黃童花縵戲春暖
瓠笙吹歲豐仁蘋苞嫩綠古辣釀輕紅象跡烟中堞鯨
波雨外篷夸珠人有斛粵布我無筒剖決心如水驅馳
鬢已蓬六條方奏最四牡欲歌功爲有澄清志遲輸獻
納忠織雲添衣繡鞭霆亦乘驄楚尾吳頭會三湘七澤
通天文恢翼軫地蓋接潭洪牙纛聯分政旌旗列總戎
鶩爭肥似鴈熊搏猛於熊懷璧枉無罪見金忘有躬化
源安溷溷獄市積忽忽大噐能繩物先聲已擊蒙道傍

豺果避窟底兔幾空勿珥終凶筆毋關報怨弓左匱并
右粥後桂更先種采菊賦歸老愛蓮無極翁理明輕勢
利語妙入盲聾文祖歐陽古詩宗魯直工挽回鉛槧習
超出簿書叢顧盼山須動揄揚石可礮羽儀傾振鷺啄
拖徧哀鴻念昔初騰踏時方息戰攻考工崖黠黠試壘
海隴隴赤芾彼三百素絲茲五總穩行卑劔閣善納小
雲夢甲子從頭數冠紳進秩穹階蘭香浣露田玉氣嘘
虹世或探斯鷺吾寧牯爾撞察魚應小慧聽蟻豈真聰
靜躁聆徽外剛柔省鼓中江湖歸獨步宇宙涉丹衷德
驥曾思附仙舟偶未同耐寒衣故白好古佩仍葱夢枕
頻鮮荔羈輒幾落楓泥塗龜各曳霄漢鳳稀冲厲操期

霜柏吞聲等爨桐漸忘身顯晦得究學初終韓子哦雙
鳥莊生感二蟲樂莘晞衍衍憂杞笑忡忡遐舉繫唐盛
方聞及漢崇貢琛凌渤澥懷組際穹窿穀欠防飢歛鹽
因析利籠駭民牛穀棘虛士鶴毳毳黼黻需耆俊饗殮
給老癯會看楊綰貴不計孟郊窮温井覘陽長明奎卜
道隆斲辭規愛助華髮尚狂狷

送楊尚寶充靖江府冊封副使

明李東陽

先朝台鼎地東里二孫賢秘閣三千卷符臺二十年驂
騶骨老大鸞鳳意蹁躑白戰危孤壘雄談漏百川才名
非忝竊供奉不虛員掖轉臯門右班分黼座前銅章嚴
夜衛玉璽聽晨宣魚袋諸衙集螭文舊印專東西頻節

傳前後擁貂蟬帝錫雲仍貴星分楚鄭躔旌幢隨導引
環珮肅周旋聖代儀文備藩王禮數虔詔開雲霧字燈
簇綺羅筵榮幸真無比遭逢衆所憐此時沾慰遣茲事
豈迤邐樹暗梧溪雨帆經桂水天花飛春漠漠石亂水
濺濺細路峰巒際高城鼓角邊縣官齊下馬津吏自開
船公事程期近家園道路便壯遊真汗漫歸興得攀緣
梓里青山在松林白露懸衣存遊子線祭有大夫田綠
奠藤原醕黃焚草誥賤恩光回落景靈爽動哀泉此願
人皆有如公實不愆幾家通舊閱羣從接登仙目斷江
湖迴心違几杖偏風流懷阮籍江漢望張騫我亦同朝
士臨歌意渺然

送昌祺李布政之廣西

羅 肅

南省儲英傑名藩得俊材詔從天上出人自日邊來風
裁安南服文光接上台薇垣膏雨潤桂嶺瘴烟開憶昔
簪初盍於今斗屢回搏霄驚一鶚伏櫪愧駑駘暫敘同
年好翻憐別恨催臨風歌此曲幽思繞金臺

湘山寺

孔 鏞

遙望湘山寺林深草木稠光明無量塔壯觀佛書樓禪
室籠香霧湘江夢白鷗流泉分太液飛石出羅浮庵晦
日初斂風清雨乍收高松巢病鶴疎竹喚痴鳩碑古清
苔蝕芸香老麝游甲亭舒遠目佳句繼前修忠耿思唐
介循良仰柳侯我從天上去弔古一遲留

撫夸至古龍江

桑悅

深入豺狼境干戈擁腐儒撫綏勝薄伐狂狡敢長驅雲
氣隨龍劔風光動隼旟險山俱作寨平地或為墟曲折
蛇行路縱橫虎鬪區宣尼何意思欲向此中居

南寧道中與張時行司諫聯句

魯鐸

策馬南寧道

魯

涼風起夕陽路盤山脊險

張

泉帶壑聲

長巢鳥驚還定

魯

湍魚隱復揚軍容森候騎

張

詩札富

奚囊客久知蠻語

魯

村遙見野粧肩夫花抹額

張

欵長

繡迴裳樹翳牛羊逕

魯

巖開黍稷場遠青新燒茁

張

疎

白老梅芳行急常兼傳

魯

眠安每憶航素飡慚共爨

張

清話愜連牀歲逼寒猶靳

魯

時侵意自強理琴鳴鶴調

張

倚劔發龍光宵夢關王事

魯

鄉心入壽觴會教施泚

張

吏傳檄過憑祥

魯

曉行宣化道中聯句

曉離施泚驛

張

隱隱發前旌薄靄衿裾潤

魯

初噉騎從

明山椒嵐自幕

張

樹杪露猶盈蓐食狼兵過

魯

戎裝虎

士迎危橋經野水

張

敗竈識荒營飯葉墟人棄

魯

衣花

寨守榮照昇雲晻駮

張

原燎石支撐健翮驚鷗擊

魯

雄

姿控驥征行日逾午

張

望望路兼程一逕緣深竹

魯

邕州見古城

與張僉憲謁韓公祠

周用

開府臨荒裔垂衣荷聖明文章資舊學鈇鉞仗專征王

者親推轂書生願請纓百蠻歸率土萬里倚長城絕徼
標銅柱中軍吹玉笙推心諸將喜落距遠人驚遺貌丹
青古登堂俎豆榮雲旗摩嶠色天馬撼江聲風壤留南
紀鄉邦仰後生朱方誰作鎮白面且談兵多壘猶懷辱
前籌敢好名斯民憂反側吾黨媿昇平野戍聞宵柝春
山候火耕向來瞻拜地無奈宦遊情

過思同口州書所見

陳璣

思同接左壤過此不勝情舉目稀人迹憑誰問土名劫
灰飛欲盡野鬼哭無聲敗屋簷垂地空困雀罷爭苧麻
拋舊業修竹撒荒塋婺婦知何在孤兒幸此生烟塵方
去盜風樹或來兵潛逐麀麀住寂聞雞犬鳴無辜嗟莫
及有識恨難平揮淚西風外亂階誰構成

湘中送榮老還金陵永寧寺

顧璘

搖落三湘外經年愛爾來故人書總至異域眼俱開放
逐憐親友悲歡向酒杯衲衣經雨暗橫笛伴秋哀試與
尋風洞何如對鳳臺寺幽詞客滿松古老師栽夢寐唯
吾土羈纍愧不才江山孤興減瘴癘暮顏催澧浦難捐
佩龍門異曝鯁相看移去棹轉見脫塵埃烟水滔滔地
隨緣易往廻

中秋日學宮試諸生

宴坐中秋日雲晴灌水陽玉麟橫郭見文筆映波長隱
几饒幽勝登堂總俊良英靈占萃聚神采愛舒張頗訝

遺珠遠誰云古道荒多聞沾柳教妙悟近周鄉僻壤緣
人勝儒紳貴志强嗟予牽世網垂老覓亡羊

觀玉柱巖作

列炬窺玄府褰裳步紫壇石田雲子白龍井玉漿寒巨
棟垂千尺幽房隱百盤仙靈多幻化造物自雕刊異境
今初闢清遊午未還爛柯如有遇何用戀塵寰

贈榮上人兼呈顧全州

孟洋

古有高人興今看靜者流江山成獨往風雨一孤舟卓
錫湘流暮移帆桂水秋朝登 釜觀遠望蒼梧丘目極
南中勝心非道外求逢君看葉下謫客共萍浮暫結三
生願何孤萬里遊白雲懷舊國細雨別津樓碧樹諸天

迥黃花絕塞愁行過五馬第特此謝全州

南浦驛見官押送來降者詣桂林 李夢陽

欵壘因王化投荒荷主恩官爲供廩餼詔許挈兒孫瘴
雨凋□服蠻鄉引塞魂分明共日月耐可異乾坤慘淡
顏容變軒昂故性存彎弓望五嶺似欲遂平吞

送大司馬王陽明總督兩廣 夏言

聖主資文武中軍得范韓尚書初出閩上將復登壇日
月迴龍節風霜壓豸冠先聲諸路動雄略萬夫看珠虎
懸金印旌旗擁玉鞍星營刁斗振雲陣烏蛇盤海色羊
城澗山形象郡寒坐令歸壤地行見滅克殘蠻獠祠諸
葛蒼生倚謝安還朝畫麟閣勲業炳如丹

至昭潭

林應亮

乍艤昭平棹言登鎮粵臺軍聲諸部肅詔諭百蠻來建
節清烟霧營屯闢草萊戰艘依野泊關鎖逼晨開水岸
千家引山城萬角哀按圖多廢壘覽勝有荒苔環甲驚
衰病紆籌媿淺才諸生尊俎上今日效涓埃

蕭行人報慶兩廣歸省江西

施峻

銀榜開玄圃金函下紫天寒香梅嶺雪春入桂林烟雅
頌重輪曲流虹少海躔丹旌經楚粵銅鼓走蠻蜒劔倚
衡陽月珠明合浦船雄藩清節重故里錦袍鮮永夜牽
長夢遄飛到日邊

康磐峰少參經略懷遠賦贈十韻并呈魏此齋大

參

謝少南

緹綺發龍城朱明復此行知君懷遠略從古慎佳兵江
靜魚龍陣山間虎豹營雨飄炎暑歇嵐霽瘴烟清荒服
知歸命諸夸信不征文身輸禹貢革面荅虞誠廢堞稽
時築閒田受日耕西寧百年計南顧九重情飛檄傳鳶
跼旋師望禹旌未能驂後乘自笑一書生

崑崙關二十韻

仄足崑崙上巋然虎豹雄峰凌萬石出關闢兩崖通先
旭蒸霞紫遲昏閣靄紅地高南逼斗山遠北連空絕壁
含槎古飛巖拂草豐泉聲千尺底樹色百盤中嶺並驚
鳶跼林皆掛狢叢縈紆回鳥道剗鑿啓鴻濛峻阪防旋

馬淳窪忽起虹未能尋隱穴徒詫秘仙宮越駱標重險
交邕挹下風蒼梧虞帝轍銅柱漢家功瓴建無前敵梯
懸失仰攻威儀探組練氣象表罷熊殘壘傳儂寇潛師
憶狄公時平談往事世久罷屯戎商旅宵無警樵蘇歲
有終海夸從入筐巢鳥不傷弓裔徼藩垣壯中華界限
崇聖朝要服化吾愧播文同

永福堡寄邢侍御

錢薇

憶別當春日差池忽夏初三江烟瘴地五嶺虎狼墟日
夜勞舟楫辛勤畏簡書平生湖海意凋落雪霜餘欲上
明光疏東歸學釣魚

梧鎮閱武

張瀚

蒼梧秋獵處細柳漢家營四望千峰障迴瞻百雉城潦
收江岸濶木落曙烟清雲擁旌旗色風喧鼓角聲虎罷
皆振武猛獍亦輸情無術慙三略膚功藉五兵投醪非
責報授鉞奈專征試把剗犀刃聊殲鼓浪鯨

謁蔣少傅閣老敬所公第留燕移日卽席奉謝

呂希周

鼎鉉調元暇需郊賁趾初典刑原在國拂志遂懸車休
澣辭金闕遺榮傲玉魚霞歸東墅策璜等北溪漁別業
仙臺啓台園綺席舒三光明履舄四壁獨琴書巖室臨
青嶠旌門對紫虛瑤觥飛祖道組帳戀行旟綠野春仍
滿丹心瑩自如山開堯舜日

公所居在堯山舜山之陽

長照白雲居

送張端孟茂才還粵西應試

吳國倫

不忝通家子飄然有父風年從官署長文藉遠遊工鄂
渚蘭新茁豐城劔故雄多能平子後博物茂先同鼓棹
循江路囊書走澤宮三珠明大海六翮奮秋空嶺日扶
桑近鄉書八桂通染毫飛作綵吐氣鬱爲虹策足寧轅
下掄才自殼中價增和氏璧聲振嶧陽桐謁帝馳燕駿
思親託塞鴻戒途千萬里飲餞莫匆匆

邵子任明府自桂林遣使再問山中寄謝

南郡論文日知君挾壯圖登臺高市駿得縣遠飛鳧瑞
集明堂玉光騰赤水珠美名行自見吾道未應孤豈意
三冬盡重來一騎驅書緘開鄂渚雲氣入蒼梧省舊殊

高義投閒自病夫殷勤那可報西望獨踟躕

送顧子韶觀察之嶺表

俞允文

萬里牂牁地千秋銅柱荒明王初御宇至理切殊方重
以鷁鴻彥遙宣簡約章德流椎髻種威霽卉衣鄉義壯
關河近時平劔戟藏大川消毒霧攢樹失炎光氣候花
相續巖巒路獨長峒禽輸翡翠市粉出枕椰野淨篔簹
綠洲香橘柚黃南中今已樂抗手一稱觴

贈顧戒亭郎中出守始安十四韻 朱曰藩

英英桂林伯言擢尚書郎藉藉留曹俊無如顧長康一
麾欣有託二始屬惟良好續驂鸞錄行吟八桂堂山形
控陽朔水勢抱灘湘風俗虞衡著封疆會府長珪璋元

特達琴瑟想更張五管通夸夏三公
逼廟廊判花仍戴筆視草罷含香
征帆入音隨湘轉瀧歌與棹將洞中迎石
鷺山上採都梁舉白君須盡徵黃事
有常海氛銷茂苑文教被狼荒明發東門道爭看建隼光

西湖逢蕭少宰元升請告還粵西敬簡斯篇凡三

十韻

錢希言

乞歸初賜傳名德重朝端隄擬春沙築城將夜火看銓
衡新握鑑著作舊登壇說待商巖舉蕭扶漢室安星辰
隨劔履雨露寵衣冠温樹何曾泄青蒲只自彈憂時雙
鬢白報主寸心丹北向雖懸魏西征偶類潘避賢方遂
請將母始承歡博望留行切東都擁道觀縣官前負弩

驛使後傳餐燭進緋羅炬冰浮綠玉杵歌鐘陳艦閣鼓
吹雜沙灘數聽郵籤報從教漏點殘過吳頻覽眺適越
且盤桓潮湧疑翔鷺峰迴學舞鸞參差三竺出峻絕兩
高寒空翠搖茵席飛嵐撲扇紈好乘青雀舫聊浪碧湖
干宿望山增重恩波水並寬門人瞻駐節詞客候停鞍
修刺元投李貽書爲慕韓羣難空冀北步未出邛郫石
豈堪倫璐蕝安敢喻蘭縱勞施黼黻無以報琅玕海燕
公嘗賦舟魚我每歎誰能收涸轍竊欲潤餘瀾粵嶺雲
千里桐江月一竿家家牛酒飲處處路碑刊更遲黃麻
下重來借羽翰

府江

何喬遠

府江天下險瘴色閉重山複樹縈帆出崩波湧棹還野
橈浮剝木崖柝響茸菅茵露夸方曉蒸雲客望閒雖云
清洞微終是恐神姦忽聽玄猿唳多生顛顛顏

遊湘山寺禮無量師塔因簡舒孺立

并序

俞安期

湘山寺爲無量師道場幻身留塔中八百餘年燬于
丙戌則孺立太史唱臚之春也孺立皈心法乘獲無
上智識者謂爲無量後身云

禪宮開寶地覺道引金繩殿轉松廊入階緣蘚石登谷
深通午日澗遠挂春冰鈴韻清疑近爐烟暖欲蒸林花
總優鉢簷鳥卽迦陵恭禮標空塔還瞻出世僧有窮元

幻相無量始真乘華語遺經出毫光化佛憑法中誰復
起身後汝堪仍自昨登庸際曾聞禪代徵龍華寧雨絕
象教待雲興永願相從意思傳不盡燈

張羽王京兆邀同徐崇德明府張質卿太僕呂惟
師京兆汎舟江上自灘山過雉山至龍隱山賦得

八韻

百壺携縹碧雙槳發漣漪穿石舟全進浮江席緩移勝
從鄉老習風恰旅人宜灘下無懸勢山來各異姿羽毛
翔雉舉鱗甲蛻龍遺雲溜疑星海虹梁類武夸出隨山
簡醉遊卽羨門期杖屨行方始千峰屬望時

疊綵巖

曹學佺

雨氣團蒼壁霞光散綵屏暮江沙更白秋壑草偏青滉
漾窺陽海峯堯上越亭洞須窮北牖衣欲動南星峰接
城頭起舟過渡口停叱羊皆化石調鶴似棲矧乍爾乘
軒蓋相從泛醪醕還須息塵累靜展法王經

送廣西蔣先生六韻

婁堅

南遷歸路近西上泝江遲已識三吳彥真堪百粵師昔
聞人可鑄今見羽爲儀文學言公舊科條柳氏遺別筵
愁積雨去鷁趁涼颺身世青氈穩先生任所之

七言排律

閤門錢舍人知全州

宋楊億

家傳吳越賢王後郡壓瀟湘最上游三殿從來奉宸展

一麾今去典方州蟬吟高柳隋堤暮水漲平湖楚澤秋
入境壺漿填候館上官鏡吹夾華輶山川徧歷騷人地
宵旰遐方聖主憂應向桑郊停五馬青春太守本風流

題蒼梧部

陳執中

莫訝南方景物疎爲君聊且話蒼梧地傾二面城池壯
江迸三流氣色麤山蓄火光因政出石藏牛影爲仙呼
官廳傳自唐丞相民頌思從漢大夫龍母廟靈神鬼集
鱈魚池近介鱗趨朝臺望斷悲岐路氷井窺頻爽髮膚
鱠美不堪全用鯉果珍何忍命爲奴雲歸上國名終遠
郡帶諸藩勢未孤銅鼓聲浮翻霹靂枕椰林靜露真珠
溪平花檻饒桃李疆壓鶯歌盡鷓鴣三足告祥文上載

獨峰爲盛事元無封疆自覺隨時廣飲食從分過嶺殊
行伍戢威遵下武兒童知學樂從儒風輕別墅來漁唱
人到閑坊戀酒壚服尚鮮華幾兩蜀市相交易類全吳
營希賢帥偏栽柳扇慕良規各製蒲春聳門闌多刻戟
雪從絃管舞雙奴只因談笑評風俗僭用詩謠和袴襦
萬里無媒休促蹙數年從宦弄斯須却憂別後牽吟想
欲寫幽奇入畫圖

送觀至能赴廣西憲司經歷

元傅若金

薊門官柳徧鳴禽馬上離人酒強斟久以才名稱闕下
忽持風采照江潯三湘曉雨開衡岳百粵春雲接桂林
何遜到官勞賦詠謝安攜客喜登臨吏人靜往山城僻
部使閑過幕府深溪裏藥苗寒自綠道傍榕樹晝多陰
蠻夸比歲頻騷動巖壑何人更討尋明日孤帆逐君發
長沙南望最傷心

送林崇高廣西都事

明張以寧

清江材子請長纓風雨南荆萬里行組甲夜馳豺虎窟
帛書朝奏鳳凰城公車已見登臣樂幕府旋聞用子荆
照海錦帆津吏報轟山銅鼓峒人迎檄來篁竹霜都靜
詩到梅花雪共清上日桂林延父老爲言析木泰階平

寄都指揮使韓公柳慶征猺

陳璉

韓侯聲譽重雄藩猺獠聞知膽已寒詩禮舊曾歌卻毅
龍泉尚擬斬樓蘭營連邕管烟生竈夜度崑崙月滿關

道路行人傳令肅邊郵黎庶沐恩寬屯兵曉日明金甲
躍馬南薰拂繡鞍克敵一生存遠略思親千里報平安
閑將景物歸吟幌常見風雲護將壇報國丹心堅似石
平蠻勲業重如山高情久與梅花共行橐應無蕙苴還
早晚凱旋笳鼓競捷書先已到金鑾

追頌山總兵

萬節

將軍忠耿歿何年勁氣如生在目前垂世直看存信史
圖功豈必是凌烟南荒獨掛征蠻印北闕兼分薦士權
威鎮華夸刑不濫恩施部曲愛無偏除克有策寧容後
料敵多方肯讓先追給剽遺曾至萬獲俘頑梗動論千
計招流散爭歸業密禁貪婪畏取錢能使橋陽崇廟祀

願扶社稷共安邊

送胡主事犒廣西軍

李夢陽

七年重泛楚江舫五兩飄飄過洞庭論蜀長卿元達節
平佗陸賈亦談經地從湘口分吳徼邑在衡陽對軫星
此去先過杜陵院與誰同上合江亭炎花瘴草供行目
猺唱夸歌引客聽鼯鼠晝啼諸洞黑野猩晴語亂峰青
蠻荆本自勤周旅南越終當繫漢庭荔浦技窮甘釜盎
梧川兵接詫雷霆威餘虎豹藜難採血蹂鯨鯢水尚腥
俄喜御珍頒內帑極知恩澤到重溟兔臨烏照誰非土
陰慘陽舒各有靈巢屋羽毛春拍拍洗天風雨晝冥冥
花明幕府頻長宴路出磨崖早續銘馬援還朝銷薏苡

馮驩傲世倚青萍蒼蒼百粵悲南狩渺渺三湘弔獨醒
夢渚雁回書不滯武陵雲起思俱停悲傷蕙草追金勒
點綴桃花惜玉瓶若道朱絃無絕響詎應黃髮有遺形
司徒邦計遙憐汝粉署爐香不可扃綵服便須隨彩鷁
白頭同離白蘋汀

左江聯句二十韻

魯鐸

左江晴日遡輕舸張風物撩人興益豪山好只疑行畫
裏魯灘危真覺泛槎高清尊小共掀篷坐張側枕頻驚
舉楫號巖集飲猿連曉樹魯案羅羹鷓雜溪毛踏青歌
陋聞蠻囷張浮白杯香醉洞醪波漾鴨頭衣借色魯茗
翻鱗眼鼎生濤誰云石窟藏銀甕張自愛泉音度玉璫

雨釀薄寒襟袖爽魯權迴新漲水雲勞子長寧盡天涯

味張韓老猶焚晷後膏每厭魚腥過竹柵魯生憎鷗迹

占蘅臯木綿花發霞殷岸張馱板津虛月滿艚學得蘆

笙僮僕喜魯聯催鉢韻鬼神鑿時看落紙行鴉墨張却

憶當筵奪繡袍取次竿程憐歲月魯崢嶸承命幸逢遭

虛誇博望星河迥張仍鄙終軍節鉞叨鄉夢直隨芳草

遍魯游踪還紀翠崖牢聲傳鬢篋來空谷張光露干將

泣巨鰲沙驛泊遲常列炬魯絲桐乘夜輒鳴猱悠悠歸

思彌南極張赳赳前驅屬右橐明到京華春正好魯紫

宸風暖拂旌旄張

桂林臥病書懷

袁袞

南中春半已飛花客裏傷春更憶家舊說炎荒惟象郡
今來卑濕倍長沙山嵐弄雨初疑霧海氣披晴忽變霞
杳杳蒼梧分嶺外迢迢銅柱極天涯殊方物候偏驚早
到處夸風未慕華日報峒蠻騷戍堡時傳江獍劫鹽楂
投戈共喜交州順游釜猶嫌荔浦譁遠道甲兵愁阻絕
羸軀疴瘡苦交加折腰元亮辭先賦病肺相如思轉賒
鼓柁新秋還甫里杜門終日臥官衙尊鱸自足供餽粥
薏苡休教載使車莫怪掛冠胡太早二毛無意戀烏紗
五月旣望慶遠郡齋聞雁同門人周孝修有賦

岳和聲

差池猶見羽翩翩回雁峰過路二千度嶺斷行疑怨字

隔雲哀叫似驚絃沉魚曲罷聞思夜窖雪書傳奉使年
出塞須知春盡後到鄉應在客歸先閒來目數頻搔首
欲託緘題鴛水邊

慶遠郡解集餞七孝廉計偕北上賦贈

先是文廟前蓮塘中故有數峰稱文筆郡諸生以獲
戾太守詭言不利剷去坐是薦南宮者絕響予呼五
丁爲移龍江之石補之而天門山雙峰爲馮當世發
夢勝蹟則歸然亡恙也用當勸駕并勗秋試

天門舊有雙雙在蓮岳新添箇箇成靈傑一時回氣色
風雲百代見蜚鳴波瀾已許增前輩跋扈須知動後生
春浦瓊林推領袖秋高桂嶺共崢嶸鵬搏欲怒三千里

璧價終償十五城到日聯翩花陌徧歸時蹠躩柳江迎
甘泉自應明庭詔刀布何勞蜀守情講德與君原不淺
莫將溫飽負深盟

門人思明呂從律校

粵西詩載卷二十

